

十六

程

新安文獻志卷五十六

甲集

絕句五言

無題

負薪朝出賣酤酒日西歸借問家何處穿雲入翠微

北窻

汪龍溪

睡起無一事怡然眄庭柯綠陰微缺處最得南颺多

繡谷亭

汪龍溪

西山屬黃岡相錯宛如繡倚杖立幽亭歸鴻沒煙岫

書壽昌驛

程北山

歲暮白日速風高黃葉稀歸心與寒鴈一夜向南飛

懷劉園

朱獻靖公

一與劉園別春風到海隅墻陰草爭綠留得屐痕無

五言

朱獻靖公

散策橋南路春容最好時夢回花滿眼猶恐是辛夷

書趙園壁

朱逢年

夜月閨盃淺春風楚製輕故鄉空費夢來此聽溪聲

劉德明彥集祝弟以夏雲多奇峯為韻賦詩戲成五絕

朱文公

出山幾何時歸來便長夏端居心不怡散策長林下

為客厭城市還家辭世紛朝昏何所見但有四山雲

閉門事幽討歲月忽已多客來無可問與君共絃歌

干時本已懶曾次况亡奇若問中林趣婆娑祇自知

炎蒸不可奈雲氣滿前峯向夕風吹盡微聞遠寺鐘

和人感秋韻八首

程傳之

短景迫山陽愁多尚覺長一聲蘆葉響萬里塞雲黃

征魂尚未返素魄為誰明夢入蕭關去西隣絡緯鳴

疾風枝枯楠天作破瓦色古殿無飛塵過者見瑟瑟

金瘡怯秋氣滴成未終更滴滴思鄉淚飛空作雨聲

憶昔遊吳甸新知結項容松江楓落後貌得洞庭峯

奔湍激哀玉動影漾寒金八月西興浪千年伍子心

上下青銅炯中間着我宜曾將根斲斷怪石似玻璃

多情門外草與我共飄零腐化猶相戀將衣點作螢

自南齋晚歸二首

返照南山脚西風古渡頭破煙雙鷺晚抱葉一蟬秋

溪涼魚撥撥山靜鳥飛飛草笠兒驅犢荆釵女浣衣

鑿空為此名忽已落衆口聊結一間茅承當作崖叟

山徑

一徑淨於秋山中夜來雨倚松不知還幽禽妙言語

疾風枝枯楠天作破瓦色古殿無飛塵過者見瑟瑟

金瘡怯秋氣滴成未終更滴滴思鄉淚飛空作雨聲

憶昔遊吳甸新知結項容松江楓落後貌得洞庭峯

奔湍激哀玉動影漾寒金八月西興浪千年伍子心

上下青銅炯中間着我宜曾將根斲斷怪石似玻璃

多情門外草與我共飄零腐化猶相戀將衣點作螢

朱逢年

朱文公

程傳之

秋日

秋月

秋風

秋雨

秋山

秋水

秋雲

秋草

王雙溪

方秋崖

方秋崖

隔牆梅

方秋崖

寂寂度年光，堅貞玉雪香。冶容誰氏子，終日傍垂楊。

萱

方秋崖

憶披萊子服，種汝奉高堂。汝自忘憂爾，吾憂未易忘。

否

方秋崖

馬令園中本移來，村野中太官。今却獻黃帕，不來封。

詠史二十二首

趙吟嘯

聖德光天下，歲功成閏餘。百篇推帝典，一半是農書。

唐堯

涿跡陶漁久，論功納麓多。已傳精一語，更作勅天歌。

虞舜

地已還三壤，爨方次九疇。基圖天與子，典則我貽謀。

夏禹

罪已桑林六，仁心祝網三。只應寬代虐，何事德懷慚。

商湯

大邑周新造，曾孫武始王。伯夷方馬謫，尚父已鷹揚。

周武

萬世家為國，長城山作障。龍今歲元秦，鹿去年肥。

秦始皇

真主乘昌運，假王恢雋功。如何亡賴子，失笑未央宮。

漢高祖

意豁高皇似，才雄大敵摧。萬方瞻日角，列宿聚雲臺。

漢光武

橫槩真騷將，燃萁亦忍人。大君時有命，雅意俗還淳。

魏文帝

犬噬憂方重，羊車意轉深。可憐司馬國，又屬問蟬人。

晉武帝

馬浮雖是識牛繼，亦殊聞昔者。車書共天平，南北分。

晉元帝

已拓三秦地，寧無幾月留。登城聊北望，老淚不勝流。

宋武帝

戲難功何補，欺孤計已深。儘饒推導玉，那解賤黃金。

齊高祖

玉陛尊梁帝，金園號誌公。聞經同泰寺，索蜜淨居宮。

梁武帝

清淨方貽笑，莊嚴更捨身。基圖雖肇始，識趣只庸人。

陳武帝

猛上臨光殿，生擒歸命侯。師心無學術，與子失貽謀。

隋文帝

唐室恢新造，秦王有大功。一人居北極，太子在東宮。

唐高祖

未必黃明在，終令丑口亡。難教疎網漏，不直敗瓊藏。

後梁太祖

後唐莊宗

尊以父皇帝賂之十六州終無噉飯所誰不石郎羞後晉高祖  
不假帝力賜翻麥飯孟試看龍衮畔還有雀兒無後漢高祖  
坤輿聊底定鼎祚又更新五代無真主世宗差可人後周太祖

晚步即事

錢融堂

晚行叢竹下羣雀忽驚飛一笑爲回首拈花上翠微

治菊

錢融堂

菊本秋風盛芟除勿厭難寒煙衰草地正要得花看

安素午睡

錢融堂

禾黍秋將近溪山日自長午窻千嶂雨幽夢一簾香

開窻

汪秀山

草色侵書綠依山多得陰月高猿挂樹驚起夜棲禽

半山寺

汪紫巖

往事空求佛當年誤買隣幽幽思舐犢煙雨暗松筠

冲陶山中

汪紫巖

侵牀綠意多過牖松花落草堂一編詩送客不下閣

還鄧覺民詩卷

孫艮山

南山竹可笛北山桐可琴得如聽松風中有太古音

閱奉紀二首

孫艮山

初逃堪未亡又遇朴無傷如何博浪禍更使副車當

秦獄聊逃雨湘山偶阻風伐樹仍封樹元無罪與功

邵康節

孫艮山

真隱由中土行窩賞太平生無皺眉事單爲杜鵑聲

山間

孫爽山

谷鳥鳴聲滑山雲變態新清渠不沒脛亦有浣紗人

武林絕句二首

孫爽山

繽紛迎酒伎宛轉賣花聲偶似承平世攜書試鳳城

比屋單衣日名城冷食天居人多上塚遠客未歸田

秋晚園中二首

孫奕山

籬落園秋色株梢宵晚暉菊花供翹盡桐葉飼魚稀  
風葉相仍下家童未掃除綿聯封蠶戶殘缺帶虫書

竹徑

汪古遠

竹陰清入骨消得此閒行不待鋤蒼蘚頻來徑自成

晚春客愁四絕

方虛谷

江外蘆芽老城中柳絮飛春風猶幾日誰與濯征衣  
春老魚苗動江肥雪水來大孤山下路何日沉舟迴

急歸歸未得悔醉醉還頻不料溢江上題詩送晚春  
十載干戈後辛勤時牡丹豈知身是客借與別人看

出城

方虛谷

久病欣初愈長忙愛暫閒出城因送客公路得看山

渡江至儀真口占四首

汪杏山

風冷知日落水寬得天多金陵懷古句絕唱是西河  
寒波白似面遠岫劣於眉江上無多作淮南正要詩  
事以詩書立國惟仁義昌當年衣帶水元不管興亡  
風順帆心飽潮平權未收擁書人自臥一息到真州

新徑

江石卿

便可行松影尤宜坐竹風隣家呼酒近來往水聲中

小澗

江石卿

悠悠浮竹影細細響松根千丈寒光遠如蛇曲度村

晚行

江石卿

樹暗催歸鷺村遙認渡牛夕陽收欲盡策杖過荒洲

新竹

江石卿

忍口留牆笋柔枝散薄陰晚來攜短杖便有歲寒心

夏末雨後

雨氣侵衣潤林花照酒新熱塵無一點斜日淡隨人

江石卿

夜雪初霽

枕上聲初斷開窗玉作林浮雲歸已盡明月挂天心

江石卿

早夏思家

綠樹鶯呼夢渾疑在故園家人占鵲喜筍已出離繁

江石卿

昭君怨

萬里勞邊算堪嗟孤冢青君王何不悟咫尺是宮庭方虛谷云石卿詩人千言斂以數語十步而近折旋二三能簡又能委曲一奇也古歌詩九皆氣勁律嚴又一奇也

江石卿

語十步而近折旋二三能簡又能委曲一奇也古歌詩九皆氣勁律嚴又一奇也

早起

出郭星垂野穿林露濕裘風高猶過鴈月黑有行舟

唐筠軒

五言

鏤巧太湖石舁來動百枝倉黃織新主臺榭總相宜

唐筠軒

夜坐偶成因憶吳會舊遊

書燈廢永夜推枕即窻明却喜還家夢經旬不到城

唐筠軒

班姬題扇

婉變儒家女淒涼團扇詩情知辭輦日花唾笑渠癡

唐筠軒

可湘

石罅瀉蒼乳冷冷玉泉清我纓本無塵戲濯秋月明

胡存菴

杭州黃鶴山亭

山亭度晚秋寢衣覆新凍松子落虛簷幽聲入殘夢

汪尚志

灘行五首

花底住鳴鞭曉行灘上船上流風較穩百尺不須牽

汪朝宗

上峽灘水急下峽灘水清隣船夜相語兩日到嚴陵

聞道沙溪酒春來如蜜香買將千百斛取醉到東陽

灘上水平沙梭舟蕩落花吳儂不相識對面醉春紗

三百六十灘相逢相見灣舟師憐遠客數問幾時還

過吳城山

汪朝宗

夜過吳城下不眠閒倚窗溯流雙櫓健搖月下西江

隣翁

趙東山

世亂人心薄年荒虎跡多隣翁近相戒日暮少經過

山居雜興

鄭樵菴

墻頭桑椹落樹上春鳩鳴獨立衡門晚滿川雲氣生

題績溪石鏡山

曹東白

石鏡照妍惡火焚光不磨丈夫心地險莫向此中過相傳黃巢過此照見狀形似火焚之

不

奉題友章程先生文堂二詠

呂德昭

飛龍何蜿蜒積翠光欲滴金烏浴扶桑影射半山赤

右飛龍曉日

輕雲翳西峯釀作晚來雨涼風吹不開絲絲墮銀縷

右西峯暮雨

書所見二首

朱詹丞

雨過千峯淨泉飛萬壑鳴溪流崖下險入杖樹邊行

樹大環居靜山昂曲徑低花飄風逐北橋正水流西

夷齊

蘇景元

一死須臾事西山直到今紛紛肉食者誰識采薇心

絕句六言

治舟儀真江上連日風雨

程北山

洶洶風號萬竅冥冥雨暗長江午夢歸尋三徑南山恰對書窻

折山道中二首

朱逢年

雲暖網橫危磴日沉舟泊平沙欵乃一聲歸去炊煙遙起蘆花

牛臥黃茅岡底鷺歸紅葉村邊可是太平無象溪橋醉舞華顛

萬州湖灘六言

查元章

滿目暮山平遠一池雲錦清酣忽有鐘聲林際直疑夢到江南



舒嘯

王雙溪

幽人獨坐空谷最愛夜深月明雲外一聲長嘯四山木偃風生

答慈湖先生

錢融堂

籬下黃花燦燦庭前新月娟娟獨立西風無語一行鴈字書天

寅雅

汪竹牖

布谷不耕不耨巧婦無褐無衣提壺不可挹酒絡緯寧來買絲

蝶窺堯舜父子鴻鴈魯衛弟兄鬪蟻膝薛季長狎鷗晉鄭尋盟劉後村

絕

新秋池上曉望

汪紫巖

淨植香來水北殘蟬聲度橋東清沁金鱗漾綠夕陽白鷺翻紅

六言二首

汪古逸

撼竹露喧餘滴度荷風挾微香醉袂拂開雲影釣絲牽動潭光

暮雨帶雲淒澀歸時不脫漁蓑隣犬誤疑客至數聲吠出煙蘿

即事呈龔子敬二首

唐筠軒

彈冠而仕已老刺船以嬉若人文字稗官野史冠童舞雩暮春

未聞一飯三矢尚可斗酒百篇摘領到無可白著書何有於玄

山行

汪朝宗

溪光靜如白練山色碧似朝霞最是一春好處雨晴人采新茶

謙會清堂

汪朝宗

勝日大開東閣臨池旋取鮮鱗只爲梅花合醉不須風雨留人

學書

趙東山

玩物謹防喪志游藝貴後依仁但可時時適意不須咄咄逼人

山中

鄭樗菴

春雪白如鶴荔晚山青若龍蟠高軒有客往芻神武何人挂冠

對月

陳自新

意倦愛眠高枕量慳怕飲深盃夜靜不須閉戶放教明月歸來

吳華六言

江敬弘

春水深浮鴨綠曉山高聳螺青散子魚潛釋穴抱琴人往燕汀  
門掩蒼苔綠竹路通白磔青山幾處蟬鳴日來坐看林鴉暮還

絕句七言

君不來

方玄英

遠路東西欲問誰寒來無處寄寒衣去時初種庭前樹樹已勝巢人未歸

東陽道中作

方玄英

百花香氣傍行人花底垂鞭日易曛野火不知寒食節穿林轉壑自燒雲

夜會鄭氏昆季林亭

方玄英

捲簾圓月照方塘坐久尊前竹又霜白犬吠風吹鴈起猶能一一旋成行

陳州寺中聞太守肆射作

丘殿丞

殿宇閒聞燕雀鳴虛庭盡日少人行孤吟獨坐情何限時喜風傳中鵠聲

吟意雜錄云道源年十歲在陳州陳太守寺中肆射賦此太守大異之

春日和呂本中

汪青溪

宴坐鸞堂一事無居官蕭散似相如偶逢濁酒風前約不見繁英雨後

題靜江府枕流亭

胡三山

平生壯志在燕然投老南征未息肩鼯鼠發機端可兼新休戎馬弄潺湲

宿鄮侯鎮一

汪龍溪

當時踏月此長亭鬢似河堤柳色青今日重來髮鬢老一簪華髮感寒早

微涼初破候虫秋露草螢光已不流搔首與誰語下城頭

雜興一

汪龍溪

晨起翛然曳杖行簾疎雨作秋清老來歲月能多少看得莪花結子成

燕子年年入戶飛向人無是亦無非來春強健還相見送汝將雛又一歸

相如

詞氣縱橫亦壯夫低回功業獨何如可憐封

三峯草堂

程北山

庭前雙梧一畝陰禪房蕭森花木深清霜

得叔問書報柳元禮許寄鶴

程北山

海上胎禽雪翅翎故人千里念巖窟崇蘭

數日江上頗有春色偶成遣興

程北山

遠樹參差數點煙日窮天際水黏天背人

筓

朱獻靖公

春風吹起籜龍兒戰戰滿山人未知急喚

曾氏端伯曰朱吏部高年儒學决科刻苦為詩細與初稊處厚為翰林學士每我其詩最愛此絕蓋前人有筓詩曰急忙喫着不可遲一夜南風成竹喬年點化乃爾精巧處厚力薦于朝後為尚書郎

冬乾

朱獻靖公

陌上冬乾泣老農天留甘雨付春工阿香急試雷霆手莫放人間有臥龍

南浦

朱獻靖公

苟祿勞生不為身強顏來此算征人莫將朝市輕分別等是低回一闕塵

洗兒即文公也

朱獻靖公

行年已合識頭顱舊學屠龍意轉疎有子添丁助征戍肯令辛苦更冠儒

延平道中

朱逢年

一溪春漲午晴初日透波光綠浸裾却憶孤山山下路石橋清澈看叉魚

舟次龜湖阻水因由董山一

朱逢年

山雨踈疎心又驚起瞻天色斗微明他年一枕江關夢知憶蓬窻此夜聲

二

一川黃濁寫崑崙苦恨南溪不盡吞三老亦知行意速時時桺竹記沙痕

村峯

汪僉樞

夏后峯前思盛業魯公亭畔憶孤忠吳興勝地東南會震澤嵎山在眼中

程倅春行

汪正夫

綠楊芳草正留連急雨催詩濕錦韉野老不知行樂意背人無語自耕田

茗溪漁隱一見詩人玉屑

胡茗溪

溪邊短短長長柳波上來來去去船鷗鳥近人渾不畏一雙飛下鏡中夫

二

秋雲漠漠煙蒼蒼蓮花初白蓮葉黃釣船盡日來往處南村北村秔稻香

三

捲起綸竿撒釣歸短篷斜掩宿漁磯日高春睡無人換繚亂楊花繞夢飛

曉步

李鍾山

曉步閒隨蛺蝶行村南村北雨新晴山花野草自幽意布谷一聲春水生

送德和弟歸婺源

朱文公

十舍辛勤逐熟來琴書曾未拂塵埃秋風何事催歸興步出闌山黃世堆

二

十年寂寞抱遺經聖路悠悠不計程悞子南來却空去但將迂闊話平生

贈內弟程允夫見紫陽遺文

朱文公

外家人物有吾子我乃平生見未嘗文字只今多可喜江湖他日莫相忘

二

故家歸來雲樹長向來辛苦夢家鄉行藏正尔未堅決又見春風登俊良

三

我憶當年諸老翁經綸事業久參同只今零落三星曉未厭樓遲一畝宮

寄江文卿劉叔通

朱文公

我窮初不為能詩笑殺吹竽濫得癡莫向人前浪分雪世間真偽有誰知

自注云僕不能詩往年為謔奄明公以此論薦平生僥倖多類此

冬近

程文簡公

世間剝復每相乘此理幾幾喚得應萬木凍僵梅有信黃河冰合井如蒸

息齋

羅鄂州

世間誰號最閒忙，強健收身意自涼。春去掃花時汲井，客來剪韭旋炊梁。

寓郡城客熱不可寐

吳文肅公

淡月微雲對倚樓，無聲河漢自西流。高城忽起梅花弄，散作晴空萬里秋。

白竹坡云此篇詞意清新而豪氣勃勃不可遏宜與坡杜相周旋

白竹橋

程克菴

向來過此日流金，今日重來雪滿林。輕棄簞瓢貪斗粟，區區奔走媿初心。

題耕隱卷

程次卿

山下巢雲夢亦清，隴頭耕雨綠蓑輕。時人共指龐居士，為借農書一到城。

晚浴溪上

王雙溪

山脚草深樵徑沒，溪頭水落石梁高。一川風露無人占，古柳玄蟬處處號。

郊外見梅一

王雙溪

四山有雪未全融，葳蕤梢頭茁小紅。也欲索花同一笑，蒼顏羞澀見春風。

二

故園疎竹閉柴關，手植孤根在竹間。別後疎枝無恙否，涼風冷月冷溪山。

聞蟬

王雙溪

綠陰遮日忽鳴蟬，墮地殘紅色未蕪。兩岸垂楊低蘸水，夢魂時到故溪邊。

豐年謠

王雙溪

稻如馬尾覆溝塍，桑柘陰中一犬鳴。收穫登場便無事，輸租人不到州城。

子陵祠下作

汪理丞

四皓逃秦終翼惠，伯夷避紂亦歸文。先生豈是忘君者，最有維持漢鼎勳。

宿平江寺

汪子泉

行盡江東又復西，連天汀草淡煙迷。回頭悵望家何處，雲外青山一抹低。

題豐城驛

汪子泉

過盡長亭復短亭，脩途隨處月同行。明朝買得扁舟去，兩岸蘆花夾櫓聲。

絕句

金良之

秧針刺水麥鋒齊，漠漠平沙白鷺飛。莫道春光已歸去，清香猶有野蒿薇。

陳時栢

程端明

陳未亡時栢已蒼風來歷歷說興亡世臣元不如喬木閱盡中原幾戰場

早入

程端明

紫薇滄露翠條深捷靈鳥振好音全似冰巖亭上坐四屏煙靄奏春禽

立春都堂受誓祭九宮壇

方秋崖

輦輅春融雪未乾雞人初唱五更寒瓊幡第一番花信吹上東皇太一壇

農謠

方秋崖

問舍求田計未成一蓑鋤月每含情春山樹暖鶯相覓曉隴雨晴人獨耕

清明日舟次吳門

方秋崖

蓬窻恰受夕陽明楊柳梨花半月程老去不知寒食近一篙煙水載春行

聞雪

方秋崖

黃塵沒馬長安道殘酒初醒雪打窻客子慣眠蘆葦岸夢成孤棹泊寒江

梅花

方秋崖

竹遶疎籬水遶村一枝無語更黃昏暗香似識騷人意月淡無風自入門

和八淵明采菊圖

趙吟嘯

淵明為米腹慵折送酒人來却強顏今日東籬重采菊只應醒眼對南山

與客步月坐澗中石上

錢融堂

林逋山深一罇天臨流趺坐月娟娟此時妙旨誰能領遶石琅琅走澗泉

登天寧塔象山先生舊嘗題名其上

錢融堂

孤塔危闌倚碧空山川城郭一襟風象山遺墨今何許老木蕭蕭夕照紅

無題

錢融堂

臨池綠樹陰陰合入竹黃花顆顆新世外別無安樂國寰中真有太平人

江東報英烈擬封二字侯錢氏兄弟曰密魯疎廟號曰英烈金

錢融堂

胡塵明越連焦土海道温平暫翠華西溯濤江渠叵測不知豪傑起山家

記花頭巡檢及孝女鄉花頭巡檢先君親下詳族姪女鄉其處也

解之得名以此然則汝謙舊名汝謙以表願風俗因成一絕道不  
可改也吾鄉有此二事宜廟而祭之以表願風俗因成一絕道不  
新志

花頭巡檢馬賊死蓬首女兒騎虎號安得邦人百世祀巍巍忠孝比顏曹

夜坐  
汪秀山

爐煨楫杙煙容冷酒瀉茅柴春色輕夜坐不眠人悄悄梅梢隨月繞窻行

久雨  
汪秀山

連連春雨幾黃昏溪岸人家水近門借問今朝水曾落竹林枝上看泥痕

門前松棚  
汪秀山

突兀山邊屋數間每嫌斜照上闌干當門只得添松蓋未到秋來夜已寒

秋  
汪秀山

萬木驚秋各自殘蛩聲扶砌訴新寒西風不是吹黃落要放青山與客看

新安文獻志卷五十六  
甲集

新安文獻志卷五十七  
甲集

絕句七言

吟蛩

吟蛩不管興亡事舞蝶那分夢覺身列浦連檣歸遠客高山小徑過樵人

白雪  
許山屋

白雪家家拆蠶箔清風行行入秧苗半開猶蘂花情遠久雨初晴鳥弄驕

朗湖道中  
許山屋

屋下種花露滿窻前疊石岫雲生春風不解分疆界本自無心却有情

首夏  
許山屋

首夏清和似夷惠心情熙洽即唐虞竹梢巧送月到牖荷葉亂迎風入湖

金陵懷古  
汪紫原

勝地尚存龍虎氣荒臺已失鳳凰蹤六朝文物山川古霸業終歸指顧中

觀黃山仙人藥臼  
程山窻

藥臼空遺千載名丹成人向九天行我來欲覓刀圭劑只聽寒泉佩玉聲

題荆公讀書堂

吳古梅

六籍紛紛盡可奴翻騰字說乃箇箇可知山半青燈夜只讀商君一卷書

孫武

汪竹齋

為憂玩色墮軍實故殺陳其去二姬却恨此機深莫悟後人不諫受西施

劉後村云汪君示手行卷有語有未道者

林和靖墓

吳蘭皋

遺藁曾無封禪文鶴歸何處認孤墳清風千載梅花共說着梅花定說君

七言左史奇此

送春

吳蘭皋

惆悵春歸自不禁日長門巷靜沈沈應知不止為花地沃沃桑麻雨露深

山中雜言

吳蘭皋

小小柴門傍竹開幽深不慣有人來頗嫌老鶴無情思啄損庭前一徑苔

方虛谷曰蘭皋詩淡靜幽深有賈浪仙之風

登金陵鍾山絕頂

吳古梅

萬仞鐘山着屐登中原今隔幾峻嶺自憐不及天邊鴈歲逐春風到八陵

草堂

吳古梅

蒼煙落日草堂深淺淺寒侵白玉簪等客不來童睡去自搖脩竹和新吟

如虛谷云式賢嗜奇學博如此絕充予所深喜者

十一月宿於潛

汪紫巖

蝶迷窠窠木絲香蟻泛花甕碧玉漿縣僻人稀寒日晚古松樛翠出危墻

燕鴈

汪紫巖

秋來春去鴈賓熟秋去春來燕子忙寒暑自分人事信不須禽類互炎涼

晚望

汪紫巖

野岸松杉暝色沉漁翁收釣碧潭深衝雲點點鷺飛疾何處呼牛尚遠林

春信

程國諭



蕭條事堂堂去拍塞韶光點點開明月清風遮不斷暗音時入夢中來

紫陽夜坐

孫良山

一夜燈前白紵單沉吟有此夏初寒露零若與人相語松杪蕭蕭下石壇

偶作

孫良山

更勿窮通算此生文章玄白付誰評淒涼例薄佳人命邂逅多成監子名

書雨

孫良山

陰谷幽林熱似焚阿香鳴鼓驟殷殷天公作雨須更事用得東山一片雲

歸途旅思

孫良山

虛市斜陽早掩門蕭條州縣抵深村殘梅與客迎新歲明月隨人作上元

姑蘇元夕

孫良山

茂苑長洲滿地春吳兒歌舞逐時新風流百巧花燈手猶是夫差國裏人

初歸

孫奕山

湖蹤海跡一飛蓬千里常隨莽蕩風今日抵家離犬譟不知身是主人翁

樹陰

孫奕山

春去空山啼乳鶯鶯邊老樹蒼新青一瓢挂此坐終日即是蘇家擇勝亭

溪上

孫奕山

溪翁生計獨熙然新買南隣舴艋船日載鸕鷀三十尾魚為租入水為田

方虛谷云此絕類陳后山不具眼者不識也

寓齋

孫奕山

環中風物有誰爭即日詩情取次生雲倦竟依簷際宿雉馴時下竹根行

過往歲避地之所屋毀人遷

汪古逸

依舊蒼苔小徑斜當時從此入山家心疑謬誤還疑是雨濕棠梨一樹花

晦菴先生遺墨

予先世凡兩娶未一幸齋從姑一物菴從妹至先大父僅存先生四世今幸有其二於吾宗感而賦有

賦有

汪古逸

久遠知誰更解珍即今猶見墨如新難懷白壁歸秦國尚喜烏犂屬楚人

又

待制詩章雕玉雪郎中筆陣布雲霞獨於妙跡留遺恨澗石嵯峨疊鮮花

待制呂廣問郎中凌唐佐皆靖康時人  
二公所贈先世詩今皆有石刻存焉

方虛谷

夜雨昏昏欲雪天數家燈火北山前鄉心認作桑麻路忽有湖船奏管絃

行宮西門

方虛谷

翠華東幸締和盟從此君王罷北征宿衛周廬無處所野人畦菜傍宮城

舟行青溪道中入歙一

方虛谷

乘時盜賊起風塵戰血苔痕幾度春古廟僅能存大樹荒山猶自少行人

二

刺桐花發草如藍欲卸綿袍剪苧衫一夜春霜忽如雪江南天氣不宜蠶

跋張明府獨樂園圖一

方虛谷

熙寧相往半山寺元祐人宗獨樂園早起菴中釣魚手未應言靖失中原

二

獨樂人聞新法新定應翻作獨愁人墓碑一仆黨碑立已覺園花埋戰地

題許宣平南山故居自注云李白來訪許宣平於紫陽山下過其家老翁指船為許公

方虛谷

一菴依舊翠微中身在蓬萊第幾宮羽衛夜歸人不識滿山松檜響清風

新晴

方虛谷

女伴新晴喜曬衣老人閒步覽春暉隔籬一樹桃花發初見今年粉蝶飛

崇德道中

汪杏山

忽憶西窗晝掩扉却緣殘照水邊歸杜陵夔府坡南海都似西窗此夕暉

有感

汪杏山

驅馳萬里且歸休三十餘年只漫遊已死舒何斗不起霜松雪挂一山秋

學近年雜詩甚多公坦大有功於

通倅陳弗齋部運歸自河南

曹弘齋

風月平分本是閒一車留汗獨閒關了將官事歸來喜識得宣和萬歲山

蔣山八功德水

鮑子壽

功德河沙七寶池可如甘露降三危鍾山一滴曹溪水好及蕭郎索策時

維揚懷古

鮑子壽

江北江南水一涯迷樓結綺兩堪非雷塘草綠人安在曾見黃奴坐并時

汪忠卿御史梅菴

程文憲公

家住新安生虎林繡衣風節老梅心客來若問封侯事笑指菴前月色深

夏夜

汪昂甫

銀漢乍生秋入座火輪初墜月侵廊荷風翕翕傳綃扇竹露蕭蕭下石牀

江南

趙可齋

鷗波萬里與天浮煙樹微茫接幾州底是客懷愁絕處蒲騷風雨倚江樓

偶題

趙可齋

盃羹美瓶粟苦無多剪爪侵膚可奈何老矣未成禱机史歸歟不為屢多歌

登徽城誰樓

江賓賜

夕陽猶戀最高樓天角銀蟾欲滿鈎曲曲闌干渾倚遍故園松菊幾分秋

曉村

葉梅嶠

曉天風露冷颼颼山下人家景絕幽畧約影橫門外水遶籬開遍碧牽牛

幽居

朱松所

衡茅松底漫為家竹引香泉瀹瑞茶落莫秋容誰管領一堤霜蓼自紅花

見方虛谷後自述

程斗山

清吟空想離騷國至理難窮太極圖知有老人地下履恨無鴻寶枕中書

鴈不傳書

吳淵甫

牧羝北海堅持節射鴈上林那得書但使子卿歸漢國從教使者誑單于

山房偶書

孫芝田

山深露重涼如許落木蕭蕭積煙渚西風慎莫剪芭蕉留與幽人聽秋雨

題雲巖詩讀卷

程中敷

侵曉耕田夜讀書白雲深處結茅廬紅塵不到蒼崖畔自有漁樵問起居

贈言星易汪巖川

王菟菴

六籍分明易有神能逃烈火度羸秦說鈴傲几欺童稚不似成都賣卜人

黔川雜詠

唐筠軒

翠瑤為壁住人家一夜山前聽亂蛙莫怪客衣涼似水淙淙飛澗隔窻紗

題陳生明皇洗馬圖

唐筠軒

五龍毛骨代間無遠市邊城入帝都珍重君王賞神駿內家別有洗兒圖

玉山道中

胡存菴

青山歷歷響春聲十里秋雲一望平倦客小支筇竹瘦霜風煙草路縱橫

夜歸舟中

胡存菴

江上歸舟暮色蒼市樓燈映遠波光樓中風蕩歌雲去不流漁家月下柳

藤溪古祠

汪稱隱

蒼松老檜鎖寒煙古廟荒涼野水邊門掩苔痕香火冷石幡竿上嘯饑鸛

長沙定王臺

鄭仲賢

當年米博長安土寧得負米歸長安王去何之母誰望夜深明月荒臺裏

題孫萬戶蘇武圖

鄭仲賢

羝羊不乳歲時深萬里歸來鬢雪侵麟閣千年今不見丹青誰解寫丹心

途中聞鷓鴣社宇聲一絕

鄭仲賢

深藏古木鷓鴣鳴響裂青山杜宇聲歸去路遙行不得二禽相答正關情

題孫甥子恭孝友堂

吳和叔

我愛孫郎好弟兄若翁雖死亦如生春風堂上慈顏喜日日開簾看紫荊

歌風臺

洪杏庭

可是歌風念故鄉匹夫萬乘豈尋常不知身後閨門禍只道無人守四方

泮學

洪杏庭

朝元競詫新宮麗相國猶存古寺雄壁水枯荷人不到石經零落臥秋風

縣廳獨坐

洪杏庭

瑞山花發雜青紅案牘全稀犴獄空數片閒雲鏡吏散飛來庭下舞輕風

題古城石壁

上有汪王廟

汪文節公

煬帝南遊四海兵石門憑險待時平至今萬歲山頭廟猶有居民說古城

休寧縣斷崖

汪尚志

青山欲盡兩崖開白鳥飛邊一水迴遠聽歌聲何處發荒煙落日釣船來

拒霜花下野鴨圖

汪尚志

花入霜天織女機綠肥紅膩寫芳菲一鳧花底多幽思立盡秋光不自飛

舟中和韻

汪尚志

雙槳輕風送小舟倚蓬延佇散離愁來牛去馬江村路紅樹人家是越州

看花

王伯恂

隨步看花花正開今朝零落滿蒼苔不須苦恨三更雨歲歲春風去又來

登師山一

鄭師山

城上鍾聲度遠溪扶桑破曙海雲低披衣欲起還欹枕山下晨鷄四面

二

山前村落亂高低雲意模糊遠近迷萬疊峯巒如畫展黃山恰在小樓西

覆船山樵歌五首

鄭師山

行客初登半嶺間石門深鎖路迴環若將泉水論高下應是東南第一山

石門小

路入黃茅劔斷蛇踈籬石砌野人家山深地冷春難老五月巖前見落花

右童家

巨靈斷斷此崔嵬好事題名幾度來不用碧紗籠石上但令風雨長莓苔

右巖

歷盡崎嶇上碧岑高山飛瀑似鳴琴何須水樂尋幽洞自有巖前太古音

右響

常憶當年武肅王金婆店裏月華光山中十月桃應熟未薦仙人不敢嘗

右店

休寧道中

程賢商

雨霽浮嵐翠欲迷  
村村垣屋樹高低  
山深路險難騎馬  
借得芒鞋過小溪

二

小火原頭燒麥芒  
收殘菜子插新秧  
健兒趁得溪流漲  
一夜乘槎到富陽

題王清夫東雨閣

程黟南

閣上留題百卷詩  
王郎與客讀多時  
好風吹送東來雨  
濕透青衫總不知

題潘和仲桃溪圖後

程黟南

故人家住桃溪上  
我住桃溪西復西  
何日穿雲度溪水  
碧桃花裏聽鶯啼

有感

程黟南

白頭郎吏泣江邊  
故里丘墟未是憐  
腸斷梨花寒食雨  
金魚墩上雪林阡

江陰吳士明花園一

馬敬齋

松風微動涼生座  
竹雨初收青近人  
日日憑軒舉春酒  
不知騎市馬歸塵

二

虛亭四面壁玲瓏  
庭下遊魚白間紅  
久坐不知香霧濕  
竹閣下外藕花風

讀檀子傳

汪拱辰

然夢真自生北來  
誰與佛狸兵始知  
誤聽說人口壞却  
防胡萬里城

下多題店壁

汪以質

渡水歸來想幾滿  
山紅樹映斜曛  
誰知不是真圖畫  
却悟前汀白鷺飛

題湖溪

程正齋

堤柳扶疏水涵綠  
陰消得杖藜行  
幽懷只許沙鷗覺  
時向磯頭管送迎

題韓幹畫太宗馬并御跋

程正齋

當年承詔畫權奇  
全畫昭回聖語垂  
不是九重深眷注  
箭瘡辛苦有誰知

小像自題

汪竹友

行年六十貌稜層  
解事丹青為寫成  
今日相看俱未老  
他年應遜我為兄

黃山虎頭巖

鮑伯原

巨石礚砢類虎蹲  
野羊山犬半銷魂  
遊人不怕巖前路  
直踞於菟進一尊

祥符寺

鮑伯原

森然古木覆苔陰四顧蒼山一徑深六月長廊不知暑飛泉終日響潮音  
餞畢公大還山  
朱鳳林

楊枝袅娜酒旗搖人去人來朱雀橋老我送君人送我遲遲幾許意難消  
夜過叢山關  
汪朝宗

山黑怕聞猿嘯哀關門魚鑰報重開健兒把燭更深立爭道前年使客來  
山行一  
汪朝宗

前村後村溪水涵大樹小樹梅花開一雙野鶴避人去四壁雲山傍馬來  
二

曾聞東掖郎官說七郡好山如米多松風吹衣水流急疑在王宮谷裏過  
席中用趙子常詩韻贈曾志敏  
汪朝宗

白髮近如春草生可恨十年成底名鷄鳴拔劍背燈舞風雨草堂銷客情  
柬朱伯微  
汪朝宗

紫陽山下朱微士白髮近來垂滿肩清晨拄杖出門去為鳳昌陽求引年

中條山

平沙漠漠草蕭蕭一劍寧論萬里遙猶愧未償山水願暮衝寒雨過中條  
汪朝宗

題枯枝寒禽

王母宴歸西海上空留青鳥羽參差黃雲苦竹江南雪獨立寒條歲晚時  
詹承旨

題水殿納涼圖

湖上闌干百尺臺臺邊水殿倚雲開紅橋人隔荷花語玉盃金盤進雪來  
詹承旨

舟過黃陵廟

黃陵廟下倚船窗水淺沙平屬玉雙山外斷雲寒日晚半蓬寒雪下湘江  
詹承旨

題李白醉飲圖

百川鯨吸散清狂豈但文章萬丈光最是有功唐社稷眼中先識郭汾陽  
詹承旨

詠蟋蟀

赤翅晶光何處歸秋來清響傍庭闌莫言微物無情思風虎雲龍共一機  
趙東山

先生詩以答之云他年高拂雲清上模負當辨乳哺異賦

山間雜題

月色入簾看欲盡泉聲坐又聽如無枯松結得新草伴同上寒窻作畫圖

山居

趙東山

高枝密葉一時空倚杖沉吟落木中亂後山居無紀曆偶來林下見西風

讀宋人文

趙東山

六經明晦總關天白首窮經絕斷編石介不生王令死荒郊古塚鬼談玄

和葉宗茂題壁韻

汪東湖

華山一枕白雲高三峽扁舟駕怒濤出處自由人取舍聰明偏任世間勞

次韻題王仲肅書房畫壁

鄭樗菴

野石層層翠螺幽篁蒼樹晚煙多夢回渾作江南看滿壁秋聲落澗阿

建南九曲權歌

鄭樗菴

權歌聲遠慢亭空千載滄洲興味同今日紫陽山下客他年人喚采芝翁

舒城廬江道中

朱子範

田間農婦騎秧馬林下齋僧擊木魚試把一聯閒課吏詩成能就馬前書

六安山中

朱子範

五十蹉跎六十翁暫拋筆硯領兵戎臨邊收盡逃亡卒馬上能開一石弓

訪程九萬不遇

葉茂齋

曉發松蘿醉未醒不辭騎馬到林垌道人何處尋龍去閒却一樓山色青

遺懷

唐白雲

繁昌縣前白楊樹隨處柴門逐水開可是夜深風露冷流螢一箇度江來

寄錢公濟

程德堅

小樓獨倚聽潺湲潑林木陰濃白晝閒他日共君何處飲舉盃相對九華山

贈同舟從軍林生

任本立

青天無盡碧波長百尺雲帆挂夕陽海路音書何處寄北風征鴈不成行

九賢詠

至元丙子李世達之亂萬戶李木魯敬下令屠歙休諸邑歙人丘龍友等幸父老詣軍門言亂者非百姓意請全活

之以廣弔伐之仁萬戶許之遂承制以龍友知徽州婺源人汪元龍佐之歙人鄭安知歙休寧人陳宜孫知休寧趙象元程隆佐之



元龍弟元圭知婺源祁門人方貢孫知祁門程克  
柔佐之蓋諸公有惠于鄉邦甚大因各賦一詩 金夢巖  
陰谷難回草木春一言能廣好生仁百年桑梓無鋒鏑知是公為首倡人

右同知徽州  
事立公龍友

越國聞孫衆所宗力修文德化兵鋒天如不為吾邦計一日安能得二龍

右徽州路治  
中汪公元龍

四野悲歌不忍聞直將仁義動三軍至今來往沙溪土猶有人傳鄭令君

右知歙縣  
事鄭公安

生民塗炭世多虞保聚功深與衆殊坐遣一方成按堵弗齋元不是迂儒

右知休寧縣  
事陳公宜孫

請命轅門事可徵為民寧復計金縷花封細讀題名記只有先生不負丞

右休寧丞  
趙公象元

一尉能安百里民熙熙畊鑿幾回春往來共指黃墩廟忠壯雲仍世有人

右休寧縣  
尉程公隆

漠漠風塵靖一鄉書聲重起晦翁堂試評海內瘡痍誰似元方與李方

右知婺源縣  
事汪公元圭

聞君家世出秋崖鄉邑鳴琴衆所誦德政况當兵燹後甘棠終古繫民懷

右知祁門縣  
事方公行孫

肯憚區區簿領煩左持文牘右囊鞬民安盜賊君能事不愧當年武狀元

右祁門縣簿  
監公克柔

四皓圖

何回何曾肯放閒青髮着着是仙顏當時泪役知何限幸爾圍棋不出山

偶成

燕子穿花帶雨飛杜鵑聲苦勸人歸靜觀世事何時了小吏敲門逼戰衣

月夜與日欽朱先生坐草齋

草屋儲書傍竹低屋東野草與牆齊夜深開戶放月入不耐莎雞竹外啼

題小畫留別韓文忠二尹

范平仲

三首卷五十二

夜來夢到吳塘路月冷霜寒白鴈啼今日題詩看畫處隔江山色是淮西  
苦熱一  
曹東白

樹影團團久不移日當亭午更遲遲不知酷暑還多少到得秋風葉落時  
二

六合炎炎暑氣浮火雲如水向西流南風不解人間愠只在君王殿閣頭  
途中即事  
呂德昭

怪柳類人懸怒癭好花笑客遲嬌容小橋路轉清溪曲水滿山槽確自春  
過汝寧府  
孫思傑

鴛鴦池邊春草青居人云是蔡州城當時雪夜橋元濟消得裴公一戰兵  
題秋江獨釣圖  
韓樵墅

孤舟蕩漾出江千秋水涵空縹樹寒更盡水源尋絕境莫教征稅及漁竿  
洪武癸亥春以公事出會寧北境一  
鄭居貞

答納城邊春水生百花原上骨縱橫荒郊露宿不成寐一夜大風吹到明

二  
解鞍夜宿連荒川漠漠平沙祇見天睡覺忽驚風露冷仰看斗柄正西旋

三  
北出長城古塞邊荒松落日少人煙隔河又是河西地過得燉煌是酒泉

四  
雪山高聳入青雲下有黃河一帶分粉堞數家高作塞黃羊千百動成羣

五  
少壯非隨時來盧酒軍取次嘗香酒  
六  
忽驚風物憶江鄉

七  
山下荒城古會州唐家當日此  
八  
已矣空形勝惟見黃河水自流

八  
黃河岸上雪山前駝馬如雲  
九  
昔年部落一從星散後却抄民籍學耕田

抗原人家少存好田俱是官軍屯前山遙見黑城子渴飲不知河水渾

題千陵釣臺

吳子春

寶自都歸一釣竿高風贏得古今看雲臺冠冕須更事不及羊裘耐歲寒

漢將射獵

方怡菴

將軍意氣自豪雄驍騎翩翩入塞中頑石向來猶沒矢肯教真虎匿荒叢

梅花

方怡菴

花春未入離騷譜實熟堪調商鼎中用舍在天無預已不須回首問東風

鳳池四景一

程禮曹

玉殿分行曉侍班退朝花底珮珊珊鳳池春暖多清暇自把龍涎試博山

二

我冠天上紫微郎染翰朝侍 玉皇賜得香羅輕疊雪西清閒坐午風涼

三

金井梧桐落葉稀傳宣初罷出彤闈玉堂學士多相識共載雕鞍馬上歸

四

滕六飛花舞朔風絲綸閣下繡簾櫳玉堂半醉宮壺酒坐擁金鑪獸炭紅

聞鴈憶弟百戶佑會別海州

程襄毅公

夜下江城每並歸日長沙渚更相依一從嘹唳雲霄後南北隨時各自飛

天津遇滕自明都憲一

程襄毅公

天津橋上水雲橫紅蓼灘頭暫駐兵行盡人家無犬吠却從海口看潮生

二

主師萬里下蠶叢旗轉天津快午風忽遇舊游中執法暫同盃酒話征東

虎圖

汪以名

腥風凜凜出山阿吮血磨牙奈尔何力困有時遭急縛畫堂常見寢皮多

武帝馬圖

吳以聲

相如歌頌雖無敵汲黯忠言未可輕若使武皇能早悟龍駒不在渥洼生

十八學士登瀛圖

吳以聲

附鳳拔龍幾俊英一時遭遇若登瀛不知獻納論思際曾亦陳詩到鶴鳴  
江右平寇卷和韻為致政都憲程公賦一  
蘇景元  
編衣持斧不辭艱獨領孤軍入萬山生縛渠魁破巢穴萌芽不遣一人還

雲收霧卷見神奇賊死民安在片時贏得童謠滿江右南征從此罷王師

解下先年位上卿月明京國萬方清  
君王奠枕無邊慮華和鏡歌頌太平

繡袍羊父汗痕斑曾領偏師碎鐵山功遂名成乞歸去松楸千樹古城關

新安文獻志卷五十七

甲集

新安文獻志卷五十八

甲集

詩雜體

龍尾硯同毛隨彥時聯句

程北山

歛水清以駛歛山文且堅程誰將玉斧琢製此月樣圓想當結繩後要

使鳥跡傳雕鏤見骨格豈與瓦礫全毛坡陲百氏團泓澄九經淵墨海

不復見柯巖那可有星稀涵緯象眉綠生春妍程規模異鎔鐵濡寫殊

懷鈔正當秋兔頰發此霜松煙毛一從毛楮遊幾作虫魚箋徵辭想妃

子搵首懷張顛章同李生瘞聊續胡公鑄程常疑老蚌殼浸潤生膏涎

毛堅踰鵞池鑄質謝銅臺延紛紛况多偽渴雀同梔鞭程琳均隱多水

十年寄所宣池光斂墨色雲氣開毫聯翔鸞及垂露逸勢徒飛騫毛誰

云過珪璧或用磨戈鉞吾今欲焚棄負耒歸園田程

泛舟鑑湖同趙來叔趙叔問聯句

程北山

春風卷三江雨霽暗秦望今晨風日佳遠目聊一放致道人情暫愉快

去甲卷五

天宇亦清曠，漸將一葉舟，遠破萬里浪。致道 澄波撥寒醅，疊巖展新障。  
飄搖過餘芳，容與曠孤漾。致道 停雲冒山巔，新綠浮天上。枯腸吐  
輕黃，欹峯抹晴漲。遠水沒輕鷗，翳禽變圓吭。鑑湖清可鑿，載菜堪餉。  
致道 時當板楔及路，指蘭亭嚮，豈無謫仙盃。聊舉剡溪榜。致道 吟箋灑  
餘研，茶竈發新湯。徜徉寫幽憂，蕭爽絕纖埃。年華自繁穠，世故足悽愴。  
致道 弔古意雖遐，感時心自亮。致道 雄濤折東南，舊牒分霸王。梅梁寄  
遺靈，禹跡疑可訪。星分九土毛，帶挽百川泂。胼胝識神姦，玉帛來強  
規模。至今存形勢，亦云壯。致道 瞻昔信焦思，金範徒審象。當年浣紗人，  
絳縷起窮巷。姑胥失層臺，榛棘遶青嶂。彼姝者誰子，婉孌固難忘。無事  
卽元龜，終古可懲創。致道 求懷文靖公，造厦得良匠。平生滄海志，願豈  
矜岫恍。笑談遣諸兒，百萬皆膽喪。晚節終自完，流言亦何妄。安知彼天  
游，中有無盡藏。致道 觸目發長謠，懷人獨惆悵。致道 入木想八分，登山  
知幾兩。風流四明客，投老志蓬閩。玄熊夢鷓鴣，比狂尚放勸。賢陳

與忱慨有餘快，致道 雲雷正經綸。兵甲相磨蕩，虎貔驅七萃。鸞鶴張兩  
廣，帥維丞相度。餉倚晉公澠，足食佇流錢。宣恩同挾纊，顧慙已么麼。安  
處官冗長，短拙更何裨。恩私誠謬降，猶能樂閒適。深恐遭譴讓，致道 故  
應方虎間。不乏廉藺將，秘計走閼氏。奇功收跳盪，無煩秦庭哭。坐使楚  
軍張，何當濯龍津。歸擁雲臺仗，官儀見炎靈。王氣蓋芒碭，尊車戮防風。  
掩骸收魯項，致道 祿山終自焚。僕固胡能誑，致道 雍容兩宮還。娛樂天  
下養，弁會肅鳥越。花深度雞唱，致道 馬牛縱山林。弓矢戢橐鞬，致道 錢  
鋪待豐盈。壺箠更勞迂，周室已再安。漢業欣重剏，致道 返予綿上耕。酌  
我兵厨釀，致道 昂昂妙高叟。辭藻舍人樣，方爲東山起。朝論深倚仗，金  
昆固神秀。獨立起葦行，深嚴職右府。折中歸至當，伊予最畸孤。艱阨隨  
所傍，幾驚虎尾履。分委魚腹羹，偶然還一處。已幸神所相，矧復陪清游。  
快飲吸長江，叔問深慚抗。塵容豈敢窺，雅量文衡久。已持宗盟從此亢，  
駟驥政騰驤。駑駘徒頡頏，雄筆掃千軍。榮光高萬丈，清朝尊陸康。羣枉

室戶向偉節素推高嘉言行更謹定應謝逋客終真寬俗狀常負固吾  
 道共約稅歸鞅來叔中興百六椽麟趾豈神况便飽經史婉畫一正所  
 仰勤劬照藜青豪俊嗤帳絳如何艱危中骯髒容跌宕軒裳欲吹壘文  
 字堪覆舊數奇豈無雙妄發坐小春逍遙漆園莊澹泊竹林向重來縛  
 塵纓夜鶴空蕙帳會家子雲嘲未免王戎湯致道翻思京國游幾作榆  
 枋搶無聊每過君據豁資直諒朝野時歡娛金石日擊撞月遷惟佞幸  
 朝奏坐誣謗寢新積憂愈把酒亦愴恨斯須失和平占候奏天倍狂瀾  
 翻四溟覆實安得抗顛冥今幾年失喜問無恙叔問豈期愕鯨波復此  
 言輕颺來叔談追正始音句續郢中唱致道融金無留礦探珠驚老蚌  
 來叔更須月團團迨此春盎盎還攜玉色膠共理黃篋舫致道清文韻  
 韶濩雅好羅觚鬯振衣躡崇山一濯惠風暢來叔

秀山霜晴晚眺與趙賓暘黃惟月聯句秀山在嚴陵郡城之內  
亭今毀范希文所謂烏龍如岱馬目如松嚴子陵所釣之瀨尤  
休文所賦淺深見底之江顧未嘗與亭俱毀也回宮寓買屋共

韻而止近又賦相梁體九十韻絕影極句僅偶字四十一  
 月二十七日賈場適至暮雪後霜晴送月授小學下塾三人各攜維  
 子翠繩林命酒至暮雪後霜晴送月授小學下塾三人各攜維  
 扶桑接波西望則歛都萬山出無極東望則錢塘會稽通  
 能一拳而吞濟在北山之上亦太虛之一草木也然神遊者意遠  
 趣適者與深以此而寄於言非可處之草木也然神遊者意遠  
 前屋字古詩為韻再集又明日復集而一百八十韻成用昌黎聯  
 禁鼓趣歸月口再集又明日復集而一百八十韻成用昌黎聯  
 城夜宿體而用韻多於城南竹全玉之聯者三十庸豈非  
 時之逸樂乎賓暢惟月於城南竹全玉之聯者三十庸豈非  
 亦以數十句惟然則秀亭可與也而山川之不可聯者三十庸豈非  
 也不以數十句惟然則秀亭可與也而山川之不可聯者三十庸豈非  
 有形者無不可與而文之不可與而山川之不可聯者三十庸豈非  
 此亭者衆矣而今莫之存也不可與而山川之不可聯者三十庸豈非  
 詩要是詩之不久其存之非也時到元十八年將以紀一時意興  
 之所偶至則不久其存之非也時到元十八年將以紀一時意興

萬里

方虛谷

一峯何崢嶸萬象悉匍匐心包元氣并影立太空獨回遙瞻極乾端俯  
 瞰際坤軸飄飄凌雲身杳杳送鴻目與東揮袖裨八風開襟吞百瀆醒  
 脾燕醇清滌滌盡酒俗應斗摘紫垣杓日攀黃道轂川令夷若奔林

卷之八

三

每

訶龍窟伏回螺蚌視三神  
孟益開四隩參旗摩右肩  
崑苑踏左足東營營  
磨旋戰戰蜂房簇  
壇壇前騰雲瓢壺半  
救蟾曆測尊盧年  
捋窮沃焦谷疇非泮  
點溫吾亦寄粒粟  
氣形孰融結高深  
誰濟蠱媯皇不能  
補共工多事觸東  
飛思騰虛遨殫精  
馳迥矚浩浩垠涯  
渾渾曷邊幅壻百  
刻倏夕潮九行通  
肱肉達觀等鵬鷲  
殊趨殺燕蝠回仙  
馭鞭虬騎神駕軌  
驪寰中無道照象  
外有玄燭東推尋  
製字蒼究攷畫卦  
必萬變既日滋百  
靈遂宵哭蟾某氏  
馬錫三何人鰲釣  
六底所真蓬瀛是  
爾自濼濼回佳辰  
每難值奇賞詎嫌  
數達士多放曠拘  
儒例踉蹌東味同  
僑札交臭異智輔  
族稽首禮初梅掀  
髯叫餘菊蟾節屆  
小大寒歲得中下  
熟野禮講靖迎依  
朋閱難逐回斂膚  
剝枯鮮瘦髮立凍  
木青鍼袖麥麩絳  
粒茁萸菓東烏龍  
特差我白鴈幾灣  
沆霞譙抹微綃煙  
市皺輕毅壻畫障  
屏橫縱字溪篆直  
曲蘭非准能馨栢  
宣撼可禿回長崗  
脩蛇馳短阜矮甕  
縮一塔聳錐穎千  
畦界棋局東冷祠  
逃駐廳荒塚嚇鷓  
鴒

及瓜什估榷獲湯眠碌碌  
檣檣回樵肩滄長鑿  
嶺嶺在備柴相勞聲  
阿邪力作響逢撲  
聞曉認惺惺指  
齋窺佛屋遂森踰  
二林美秀柁三竺  
回籠影夜龕燈板  
聲曉室窮匪經陸  
老學孰識陳尊宿  
蟾兵比休虎屯盜  
俱就鯨戮釋縛衍  
新齋燼亭墮舊築  
回連營釋鞞萃四  
野競舂楫別墅喧  
榼壺園扉靜敲  
卍東今各有温袍  
昔俱無肯畜駸駸  
熙運開杳杳壯觀  
復回閭閻一燼  
空棟宇萬礎續貨  
屨富鮑繡米市積  
種陸東登臨恣夷  
猶生息賴亭毒  
掃陰開晚晴破沔  
作春燠回曉晴蹙  
龜紋涸澮開瓦卜  
昏聲沸羣鷓暮  
色隱孤鶩東店遙  
旅叱驢隴隔穉喚  
犢鴉謠音嘶嘲儂  
荷步不丁回浦  
忽出漁艇碇磧泊  
商舫僧包側肩挑  
奚囊俯腰束東護  
舍荒吠狺投林  
倦翔速驛蹄雷鏗  
錡野燎星燁煜蟾  
警柵報藜藜柘榭  
呼朋朋相與忘  
是非足堪了昏旭  
回矧茲瑞六雲預  
云宜百穀狐兔各  
深藏蝓蟻靡遺  
育回潛魚未撥刺  
駭獸或躑躅倒影  
已巔崖餘凌尚丘  
麓東宿孽芽嫩

黃流漸醞嬌綠聯拳一春鋤格磔雙屬玉蟾稻苗攬奇辛孽膏嗅幽馥  
蟄戶咸伺霆燒痕漸矜曝回審觀寒向闌追念暑嘗酷涼既免炮燁温  
又救鞞痂回大化有乘除勝殘無斷屬是邦信巍巍厥聞久昱昱東淮  
海分揚州斗牛躔北陸秦漢會稽吳隋唐新定睦回戶歌楚人騷家佩  
桐君錄入籠盡參芰盈室肯資棗東輝鳳遠媒翳祥麟晒重牯棟材茂  
倚桐冶仆乳鏐釜蟾賢守宋廣平與君劉文叔徵隱屈黈旒哀悻極膏  
沐回緬懷解劔耕遐想負薪鬻咳唾變興亡吐嗟異榮辱東堯夫被儒  
衣耕叟闢家塾道味調漆膠誼聲協故祝蟾嚴范盛丞嘗軒萊恪尸祝  
勃興畏後生朋來樂私淑回駢肩長裾曳比屋短檠讀高科接踵武雅  
德茶被服東委巷致聘旌徒步師公餽車引大僕騶馬給上林宿回豈  
惟供爪牙固將倚心腹文華凌屈宋武畧邁頗牧東袁絲却腐闈丙吉  
雪冤獄差毫別同和立界辨剛慾蟾達汝媿稷臯退吾儕綺角中焉歛  
橐鞘外也滅表曝回村詒訂亥其俚授析部郁四經審鈎弦三秀攻珞

瑤回處士傲貂紳俠徒競雞脚回里東官府務函課蟾喝雉投彩  
瓊落鵬捷鳴飽高背軼陶朱雄辨駟張祿東美藥壓鄂筒大烹椎獠爆  
舞殘金鳳歆歌緩翠蛾蟾回千樓向笛吹萬室陶巾漉餘尊東皂隸殘  
炎飲童僕東遐征罕齋糧蟾或枕麪間嘗極備無一東是耻嗔蹠回金  
彩剪勝幡沙囊象符錄秋棗溲祥膏冬稻熬狼腦蟾城市雖馮扶郊野  
尚軒轡四時務鋤耰千村鳴杆軸東顆粒本牛衣絲縷出蠶苗蟾商何  
羨閩藥市勿詫蜀回盛年念疇昔微夢况蟾倏已東知壯心違未覺老顏  
而東久黏簿書繭辛脫簪冕枯得與麋鹿羣敢兼熊魚欲回席珍非待  
聘有玉謾韞匱冥心同子綦徐步效顏歎東一麾斷鸞班百舉闕餽告  
仙忝真應宗詩愧玄英屬回親故炊妖災怨讐騰謗誦字勿窘空空省  
躬危翬翬回甲飛類頰鷄逸步謝驂驪庶幾便憤悵焉能事鞞荼東雙  
洪洶奔濤孤孤滋凝瀑窻徒聚雪螢袍未釋銀鵲蟾之子虞一雙伊人  
鄭七穆三足分鼎鐺兩鋒交箭鏃回髻髮其良陶羈疏就精鑿誠難角

卷之三

五

頭



妙染繆許啐餘首狂吟動千字豪飲輒百斛墨淡立兒研盃遲走童  
趣東自倚大戶寬豈畏險韻復膽癢生芒稜唾圓洗塵醜回登山石同  
憇臨流泉共刺被褐敵裘綺羹藜勝梁肉東磚鑪煎茶瓦豆釘此煎  
園無汗雙花亭有醉翁款回樓疎摘塵柄莎軟敷我褥藤陰皆惟情松  
韻即筠筑塘逸興春空雲耐交歲寒竹山腴嚼糟狸海異吮醬鷺東黎  
斑屑鷓鴣端眼濯鸚鵡書窮蕭衍評奕妙王粲覆回生平嗜好迂我輩  
友誼篤矢詩一齋酬言志雙啓沃回析理精洛伊談史究溫凍望之真  
堂堂毛遂豈碌碌東虞初九百篇方朔三千牘酸醎糅鹽梅宋楠栽檇  
樸回論文如有競見義每相勗燕樂思鹿鳴切磋慕淇澳東公直性所  
鍾辛勤起常夙枿佞請尚方枰妖官誓簇回扣關階屢舉甯直被曾樸  
剛腸挫未衰勁氣老彌肅東百粵轉沅湘九河交濟灤竟驚舞波帆力  
弱欲淖幅回道異十獲禽理難百中鵠瞻顏寧如愚尚老且緣督回浮  
榮等槐蟻往事付蕉鹿樂天心自怡知命類奚啻東于野同人亨勿藥

無妄福攀附聯瀛登廣胖適沂浴回寄興本真率成章仍豐緝時能一  
來遊傾篋買醅回

續龍爪石壁題句克敏以元義兵萬戶守昱關與天兵再戰不利退守扎溪題怪石落花一聯于石壁家善為足成之

萬里西風起馬蹄金戈回日塞雲低未為豫讓先亡趙欲效田單獨報  
齊怪石有痕龍已去落花無主鳥空啼至今與英雄恨嗚咽泉聲下  
扎溪

欲雪與唐肅馬貫王廉柯理聯句朱風林

落木號千嶂九升重雲幕四郊野寒風未息肅江沔水全交滕六欣催

駕貫蜚廉怒拂旂窮陰璠地軸九升急鞞奏仙匏擬絞天潢練肅將搜

月杵膠棟鷓躡若待貫街大喜爭跑玉藥期春放九升綃後候夜拋巧

思裁六出肅重想壓千梢訪戴先尋棹九升禽吳已殼稍思營梁客賦

貫言畏党姬嘲地有遺蝗懼肅天無縱鶻高坎深終見滿堆聚定成包

霰漸鳴侵箔九升煙多散濕庖枯腸須沃酒肅噤齒不勝殺火盡僧顛  
縮貫囊空僕喙呶霸驢袍預襲廉監馬鐙頻敲鼎為團茶滌理詩愁凍  
筆鈔僵眠方自傲肅罷獵竟誰教竹竹翻銀鳳廉松占偃素蛟晚來應  
可俟貫虛白映書巢九升

二十八舍歌示錢尉

程北山

山川不捨駢與角亢鼻豚豚殊不惡委身投筆事氏羌何異天球薦房  
闢人心如面各不同蛇頭蝎尾吾安容脂韋肯效箕箒能拔劍撞斗真  
才雄少年食牛有餘氣大笑文章幾女工立談寧與子虛比危冠欲入  
明光宮功成築室依故丘作書重壁垂千秋宸奎一札呼不起閉門老  
死如黔婁迹來養生如養胃未羨昂精刀筆吏疲神畢慮子所訶鳳嘴  
鸞膠誰汝試曾參忘心身亦空身如丘井心如風君言作解皆魔鬼蒲  
柳松筠同盡耳三星在雷能幾許張拳且擊關南鼓遊龍作御雲生翼  
軫地蓋天從莫逆

酬林祖德

程北山

建旗撫方面簪筆登雲衢除書無虛日念子何躊躇滿堂羅經史問字  
無停車平明戶外履接跡叩所需定坐為詳說從周述唐虞執經退食  
罷貝梵頗卷舒破魔無堅壘解髻皆明珠危絃寡知音寂寞空居諸成  
詩遠相寄尺鯉來東吳收之中十襲未好不可渝開緘嘆奇决已作東  
歸圖閉蕃着空舍誰辨公車書

用簡齋韻

方秋崖

建旗凜大將負弩紛前驅除此兩不能鋤荷則有餘滿畦老松非貧猶  
未饑虛平生錯料事不到齊王竿定無相攜人歲晚誰與娛執盃手欲  
龜風雪侵貂褸破顏劃孤嘯鬱屈終不舒危坐發深省寧若巾柴車成  
敗未可知蕪我瓜羊區收身黃鰓棘心跡何裕如開口不言錢未害書  
生迂閉戶聊課詩政與俗士疎

和韻

程傳之

金縷聽佳唱山鑪裊細煙石紫泉欲咽野人日偏長絲過蛛封巧巢成  
燕避涼竹君聞可款蘭友味相忘飽繫終歸魯瓜形曷相商土田聊自  
給漁釣且迷陽革故符誰應迤邐瑟自張木枝已奉曲小大詎堪量

夏日珠溪賦

方秋崖

金谷已塵土珠履如飄風石崇與平原癡處正不同絲毫挂世網空錮  
南山銅竹憲理殘書久已不諱窮飽尊吾秋人許訪青蓮官土甘蔬亦  
香小滴雲濛濛草草有鳴禽留我幽花叢木屑落飛談煙霏晚葱蘢

冷泉亭

方虛谷

金鞍驟紫陌詎識林下勝石苔爲誰碧我輩坐乃稱絲毫無愧容照此  
冷泉鏡竹樹亦如我不與春色競飽尊未用酌一見百慮醒土囊發餐  
風無波此終定革履漢臣心恐未敵茲瑩木杪夜月孤庶其許相映

走筆次星崖先生訪道者不遇韻

汪東湖

金篆淡寒白石牀臥荒煙絲鞋踏露冷竹戶扁垂研飽瓢懸空室工劖

絡餘靴革履君勿訕

仲嘉被檄來吳按吏用非所長既足嘆息而或者妄相見窺議

益足笑云戲作十二辰歌

程北山

驅騏驎鼠難爲功不如置之牛皂中平生暴虎笑馮婦豈向兔脚分雌  
雄龍山從事盛德士達觀已悟蛇隣風馬曹五斗真如寄羊仲三徑終  
當同羣猴憎猿坐殊趣甕中醢雞無遠度從渠狗曲誚王生欲辨龍猪  
復誰語

讀十二辰詩卷極其餘作此

朱文公

夜聞空輦齧饑鼠曉駕羸牛耕廢圃時方虎圈聽豪夸舊業免園差弄  
函君看蠻龍臥三夕頭角不與蛇爭雄毀車殺馬罷馳逐烹羊酤酒聊  
從容手種猴桃垂架綠養得鷓鴣鳴角角客來犬吠催煮茶不用東家  
買猪肉

戲爲十二屬體詩贈汪萬里

呂德昭

鼯鼠渴飲清河流吳牛寒喘明月秋蝸角國分戰蠻觸至今人嗜功名  
求猛虎勢窮淺山隱狡兔計猾深穴謀時情澆薄不復古君懷曠達才  
學優驪龍明珠爛可摘青蛇古劍光芒浮奇才抱負蘊莫露賦詩耽酒  
能消憂駟馬漢卿貴可羨五羊秦相功難儔故知窮通古有命君解談  
玄推短修沐猴而冠頗拘束醯雞舞甕多謬悠君平簾下白晝靜花香  
清樾鶯啼幽烹犬藏弓事未定屠猪漁釣何如羞三百青錢拄杖與  
君汗漫同遨遊

述懷

程北山

一生共悠悠今者曷不樂二十起東山誤為微官縛三年瞬眸耳郵傳  
那又託四壁自蕭然青編束高閣五更霜鍾動起視星錯落六律聿其  
周忽忽更歲籥七哀哦幽韻感念驚獨鶴八極豈不廣衰懷了無託九  
原歎多賢死者那可作十里望煙村天隨去寥廓

代陳均輔贈馬則賢

黃後圃

江南星渚山水奇馬家桂子昌于賢此心契天雄傑者滿軒棟本無間  
馳身雖如蟬蛻濁世活人遠志傳孫枝偶同瓜葛花屏下梅兄樊弟相  
追隨嗟予蜂房病溽暑熱烘腦子逾蒸炊難甘遂委庸醫手蒼黃連月  
累卵危有損無益智者哂因陳治法宜如斯言非草草果起死功當歸  
子夫何疑况又時當半夏月雨餘涼氣浮輕絺懸壺索寞乏瓊報木瓜  
愧誦前人詩蘇耽橘紅井泉碧威靈仙術紉相期陰功百世固未艾芝  
田蘭琬春熙熙

三禽言

江天多

我友我友鞠衣黃裳一日不見尔何所翔尔何所藏飛鳴高樹去母也  
不忘意高樹如何噫綠陰正多噫右鶯

燕燕尾不齊撇裂侵泥滓翻飛煙雨裏轉眼朱門委榛杞權門如市止  
復止天際翻飛鷹斂翅右燕

布布穀哺哺雞雨苦苦去去乎吾苦苦吾苦吾願吾姑右鳩

二禽言和吳南溪

蔣雲巖

着衫拜婆低頭斂手殷勤多禮數從古不可磨何須日日鳴山阿于嗟  
禽兮勃溪之風處處是謝尔聲聲勸行禮

姑惡姑惡阿婦聞之莫驚愕河東獅吼河間淫阿姑雖惡不為虐于嗟  
禽兮而知姑惡猶庶幾人家婦惡而不知

禽言何可得

姚廷用

禽言何可得日日叫前山可得或可得可失亦不難得隴更望蜀得魚  
復忘筌得易失恐易奚若不得安風塵起四境大地多披漫去歲擾淮  
甸今年迫潼關貪饕與奸黠要汲海水乾天平苟可得大運終須還天  
苟不可得烈火焚茅菅桓桓將帥出凜凜冰刀寒秋高馬肥驟一掃霜  
葉丹胡如雙溪老穩坐溪山間得失無望礙胸次收波瀾倦處自欹枕  
興來一憑闌柴扉春寂寂山泉夜潺潺

曉起

程北山

霜林一望極空寒曉起惟人覺夢殘黃霧帶晴江渺渺勁風翻影露溥  
浦香飄引象新添火髮密勝簪慢整冠藏拙懶便惟小事興來閒借遠  
山看

菩薩蠻

朱文公

晚紅飛盡春寒淺淺寒春盡飛紅晚尊酒綠陰繁繁陰綠酒尊 老仙  
詩句好好句詩仙老長恨送年芳芳年送恨長

次圭父韻

朱文公

暮江寒碧紫長路路長紫碧寒江暮花塢夕陽斜斜陽夕塢花 客愁  
無勝集集勝無愁客醒似醉多情情多醉似醒

偶成

吳韞中

春天曙日浮雲錦暗野晴風灑露珠新樹小花穿舞蝶暖波芳藻戲遊  
魚

題廣寧雙塔寺

程襄毅公

銘騰夜色寶林中  
枝秀雙虬瑞現同  
長印月奩分下上  
巧呈天柱立西  
東廊迴百轉香煙  
細社結三生泡影  
空涼度一簾幽寺  
古芳名續我愧  
紗籠

家園新植一梅即開

程襄毅公

春初動色喜傳觴  
異種分來近後堂  
塵絕素肌清入韻  
雪絨紅蠟巧成  
裝粼粼碧沼晴翻  
影陣陣寒風曉逗  
香新樹半開驚歲  
晏早應花占一  
園芳

古巖

趙文弼

行行一徑野煙寒  
寺外橋橫石澗環  
清話梵牀連雨細  
定心禪榻共雲  
閒聲聞磬擊風搖  
水影見燈懸月吐  
山晴院塔前巖樹  
古鳴泉冷漱玉  
潺湲

新安文獻志卷五十八

甲集

新安文獻志卷五十九

詩雜體

甲集

答王無功在京思故園見鄉人問

道發故鄉來  
道衰宗弟  
密布人  
總生苔  
當驅下  
剪故田  
萊  
險眉俱握手  
破涕共荷盃  
去不知迴  
忽逢門外客  
原詩云  
旅泊多年  
忽逢門外客  
應我屈曲問  
童

朱文公

我從銅川來見子  
上京客問我故鄉  
事慰子羈旅色子  
問我所知我對  
子應識朋游總  
健童稚各長成  
華宗盛文史連  
墻富池亭獨子  
園最古舊林間  
新坳行隨堤勢  
茅齋看地形竹  
從去年移梅是  
今年榮渠水經  
夏響石苔綠歲  
青院果早晚熟  
材花先後明語  
罷相嘆息浩然  
起深情歸哉且  
五斗餉子東臯  
耕諫而無功名  
績文中子之弟  
當時有問體  
銅川五斗東臯  
王故實

媒問娶

胡梅巖

媒問婺汝何傷汝爲國秀時辛苦事蠶桑間瑟順爲正婉婉禮自將  
中有練裙衣上無明璫貧女古難嫁賣犬辨資裝中年得夫婿懂懂拜  
姑孀肅容采蘋藻洗手供羹湯良人正少年相期家道昌良緣天所妬  
夫婿奄云亡自從夫婿亡十年守空房素帷代錦幃昔席易牙牀孤眠  
耿夜半單立黯昏黃擘擘影徘徊鞅鞅情彷徨皓月照枕衾暴雨頽垣  
墻獨寤誰呼喚獨語誰交相如凌空失翼如涉川無梁婺來吾語汝琴  
瑟貴更張汝篋既單薄汝門復淒涼汝寒何以衣汝饑何以糧紡績終  
難給春汲勞欲僵死者不復起生者宜自詳隣有美丈夫顛顛更昂昂  
牛羊量用谷金玉堆滿堂畫梁青瑣闥珠簾揜湘珞戶金彈丸寶鞍  
青絲韁旌旗明晚霞劍戟磨秋霜奴隸厭綺紈犬猶棄銀鎗門下繫珠  
履庭前沸笙簧出則專城居入則侍明光一呼千夫諾一指萬夫張一  
笑生羽翼一怒起鋒芒吾慕者寒脩與汝解佩纒以此窈窕婦配彼駟  
駘郎花樹戲蛺蝶蓮浦浴鴛鴦無煩賦藕花且喜華枯楊何妨鸞舞鏡

應彼鳳求凰人無百歲人倏忽如風狂莫將泡影身徒置冰炭場死後  
留名節身朽竟茫茫生前受富貴志得意洋洋人生行樂爾二者試裁  
量蔬食不日給孰與酥膏梁荆釵不自謀孰與雲霞裳年滔滔不反貌  
鬢駸已蒼敗棋須換局作戲且逢場文君慕相如恢女喚江郎有髮可  
重結有耳何自戕試問東夷子何如聲伯孀信書不如無未必有共姜  
鬼妻變人婦毋作老死孀

婺答媒

婺答媒妾自憐妾家貧如洗妾貌粧不妍中年方擇配幸逢夫婿賢藍  
橋疑仙會紅葉開良緣俯以奉箕箒仰焉供豆蓬粵從定六禮穩圖借  
百年渠疑有家願倏罹中道捐城崩哭吻吻竹斑淚濺濺空房照明月  
幽隴淒寒煙禽鳥喧墓門魄降魂翩翩蚺蟻滿窗戶心結目消消寮室  
者華屋埋玉今荒阡恨不卽同穴何忍續斷絃翻思合卺初參透老婆  
禪如魚水游泳如鳶蘿纏綿奈何死生闊泛泛水中船綢繆爲夫婦反

覆如市廛徒貽陽華醜寧免柳絮顛妾頰親筆硯亦嘗閱簡編女不踐  
二庭婦不再移天陶嬰寡鵠吟衛妻孤燕篇或刑耳自誓或斷髮自全  
或割鼻偃蹇或毀面迤邐吾足幸可削吾臂不可牽卓卓節操立表表  
鳳孤騫藐茲未亡人有意奉周全媒雖憫妾寡媒適重妾愆妾命春葉  
薄妾心頑石堅栖栖謀尺布豈不羨爾擅皇皇圖斗粟豈不思董擅胼  
手任春汲孰與奴婢千鞠躬跼衡茅孰與疏綺便枯荻欣回春缺月喜  
再圓世誰不此樂妾意獨不然理義自有閑物欲常無厭三少穢難洗  
五嫁醜莫鑄浮榮譬似電遺臭流如川媒言頗喋喋媒意遽拳拳之死  
矢靡他斯言當真詮文姬殊妖媚易安亦嬋娟失身再事人彤管無取  
焉節義日以頹文章何足詮王母有差事青鳥信頗傳母乃墮人慾反  
以汙天仙嫦娥豈不嫁空抱老金蟾所以廣寒宮萬古清鑿懸寧貧任  
勞漉寧賤受磨研寧凍如寒蠅寧餓如饑鳥終不以快樂而易此憂煎  
井底水不波山頭石不遷再拜謝媒如歸來雙淚連十襲藏破鏡他年

會黃泉郭媿問宋鄉先生胡公次焱濟源之所作也先生登宋咸  
尉德祐乙亥天兵將至池州統制張林池州意大德十年以壽終于家  
亡歸教授鄉里或勸之仕先生賦是詩以自意其孫師中滴在郡中出  
後三十二年復為至元三年文自黃竹入郡其孫師中滴在郡中出  
是詩俾文書之嗚呼讀柳子河間傳知邪之得以其孫師中滴在郡中出  
正其所以勝邪天理之心就得心猶日月之在也日可以缺而不可  
喪其光明若先生之理之心就得心猶日月之在也日可以缺而不可  
程文謹記

歲寒問答辭同舍軒江許叔異吳興馬伯城九江方叔高既遷  
仲山童歌之辭

松柏杉何槃槃毫末小排雲端不作梁棟守歲寒曾不如桃李花朝榮  
暮謝得實升金盤昂藏千百年一待鳳與鸞松柏杉何槃槃古來材大  
用則難右問松

君勿言時則然受命既獨賦性偏高枝中梁柱小枝可以為車船材不  
見識全吾天鳳鸞不巢且任百鳥喧寧同歲寒老不與春風妍君勿言  
時則然大匠一過肯棄猶松栢



五雜組二首

五雜組雲錦囊往復還雙鳳凰不得已思故鄉  
五雜組羅繡襦往復還同隊魚不得已長客居

詹承旨

自君之出矣出矣

葉梅嶠

自君之出矣萬里恒相思想君思我處如我思君時  
自君之出矣寶奩珠網多憔悴懶開鏡對鏡蟬雙蛾

錦鵲夜逸

趙吟嘯

草徑鬱紆溪隔村誰抽關鑄浦孤鴛林焚搜斜崖广邃岸曲枯黃菰交  
根初疑布罟鼠盜夜又恐缺月孤乘昏死殼枯梗秘蹤跡老圍勸我增  
垣藩

登瀛亭行志寧之朋以其武功既成而文德以與故時人謂之登瀛之仙以榮之今侯之經營斯亭也其將有待於時之清寧而佐夫太平者乎然予愛其亭之宏名之清故協其聲以鳴之侯時為萬戶鎮冊城予為延陵吳武成也

吳韞中

宏亭峰嶽凌青冥驚瀾峻嶒乘澄泓頰楹瓊屏凝清馨停箏鳴篴爭行  
觥會橫輕兵騰征朝英聲震轟層城崩卿能傾情精明經螢燈成名矜  
平生應昇鵬程榮登瀛

題竹洲曾孫吳逢原友梅堂

汪紫巖

簞簞橫煙洲其間移羅浮舞梢汗紅塵瓊筵清游船沉天次霜琴虛  
人當樓茲時如寒盟翻為青松羞五平  
肅氣屈衆鷺挺立自潔白萬壑迥雪月一榦掃水石讀易義覓復擬道  
信取益物能任冷暖歲晏此莫逆五側

題汪梅嶠盤隱

汪紫巖

灣環長溪交繚繞石徑抱山中松風寒俗子不可到五平  
歲除大雪傲歐蘇禁體成一十八韻請諸友皆用臘月廿日帝  
欲雪為起句第三句而下上句皆平聲下句皆側聲必相聯屬  
結後二句不對偶及不引古人切雪中故事 詹承旨

臘月廿日帝欲雪屏翳巽二聽所召同雲垂空羣陰施大塊噫氣萬籟  
嘯神機周旋功無私剗剪鏤巧絕妙俄驚踈踈來斜飛陡覺密密失  
遠眺山從洪荒藏諸峯并向混沌鑿一竅江湖寒深侵龜龜石壁凍裂  
墮隼鷗郊原迷漫停田菟浦淑沍結息網釣先生金城連樓居冷透鐵  
甲濕檜旄茅簷懸冰凝晴輝楮幌不火晁夜照威摧崖松容難凋力壓  
檻竹尾不掉詩翁愁吟新春初野叟走報稔歲兆誰加豪門眠方醒乍  
出暖閣見且笑裘裳相迎添鮮妍齒頰掩映鬪美耀後猊形奇言俱誇  
僕卒手塑像克肖惟知高堂觀嚴凝豈念陋室苦料峭薪鑪灰殘嗟煙  
消市米價湧閉廩糶鷄木孤貧多凌兢鷓食餓殍各信弔何當長戈揮  
玄氣共覩霽旭出海嶠七平

寄吳熙中

頭藏

李本立

不見故人何處覓秋心見月轉添愁山山望斷孤雲出 一个飛鴻肯到  
不

效山谷體

胡茗溪

青玻璃色瑩長空爛銀盤挂屋山東晚涼徐度一襟風天分風月相管  
領對之技養誰能忍吟哦自恨詩才窘掃寬露坐發興新浮蛆琰琰拋  
青春不妨舉盞成三人

歌風臺

汪稱隱

碑存溪石高嵯峨漢宇漫滅新鐫訛臺非舊築行人過赤帝當年布衣  
起老嫗悲啼白龍死芒碭生雲凝夜紫一朝花發咸陽春老劍磨血消  
京塵歸來故里天上人千古斜陽愁色裏草沒荒城孤掉尾不信英雄  
化爲鬼

與劉簿觀雪用東坡聚星堂韻

方秋崖

江臯黯黯飛雲葉浙瀝破窻鳴急雪亂飄密灑寒正苦低唱淺斟癡亦  
絕凍吟可但筆鋒健醒狂不覺發齒折留連急景聊從容俯仰幻塵空  
變滅舒眉一笑各雲散轉眼百年如電掣風凝光眩眼欲花酒帶潮紅

臉生頰劇誇陶語何區區等與謝吟爭屑屑醉翁出令凡馬空坡老揮  
毫風蕪瞥兩公仙去各已久一代風流尚誰說吸鯨今夕不可辭醉中  
有句鐔如鐵

次容齋喜雪蘇體二十四韻

方虛谷

燠寒節若無嗟若不寒而燠疫癘作巨堪窮臘陽氣泄况乃炎方土風  
惡大塊積蓄久醞釀元造幹回驟飄落朝曦掩翳九烏死夜吹呼號萬  
騎掠餒歲繞轟爆竹聲鞭春初截土牛角芳芽脆甲縮芹薺饑喙枵腸  
訴烏鵲小遲尚可詫祥瑞大快一舉洗汗濁蟄虫且當伏深穴貞松決  
不什幽壑孤舟獨釣柳何奇衙門空宇陶如昨凍手三喚復三咻泥履  
一前仍一却未妨獵阻濕鞍韉政恐征車埋軫較誰方輕暖擁文貂我  
欲豪飲欠金錯雀窺困廩絕秕糠蛛蟬簞穰收網絡老人畏怯小兒喜  
富翁驕傲寒士震蜚蟻定復掃蠻蠻歸鴈未敢度幽朔街枚猛將死不  
懼煨芋野僧貧亦樂九頭鬼車悉逃遁三疋畢方能踰躍眼生燈暈蝶

栩栩膚遊衾稜雞喔預占麥餌堆村場絕喜米價減郭郭忽得膚使  
奇麗句韻未易磨筆屢磨韻陰故事聚星堂汶叟先生元祐脚禁體物  
語繼醉翁即今再見蘇龍學幸公憂國僕無與煎水烹茶聊一酌

竹枝歌八首

孫良山

灑瀕堆頭君莫行瞿塘峽裏不論程龍吟小雨蜀天黑等有明朝春水  
生

行盡三巴三曲流一灘自有一生愁明朝已過夷陵岸更宿江陵漁笛  
洲

洶湧碎雷蛇飲溪陰崖暗天虎印泥萬里中原那有此憐君更過鬼門  
西

峽路陰無四時寒雲鳥道挂天危荒亭敗驛此何處均帝江山號子  
規

巴子城荒非昔人公孫何處問遺民千年惟有武侯墳留與踏歌行早

春

漢世明妃猶有村荒祠歌舞與招魂胡琴好入巴渝曲萬里還鄉釀酒

黃牛廟前鷓鴣樓黃茅宮外梟鵬啼估客醉神巫嫗醉青林日轉風淒

何 峽山削出青嵯峨峽水勻成綠不波頓平山水未能得奈此猿聲朝夕

思家五首竹枝體

汪杏山

六旬餘父身長健九十重親髮不華高堂無人供滫瀡如何遊子不思

淮陰母家田未買汾曲先廬屋已斜人生墓宅頗關念如何遊子不思

婦接草汁浴蠶子婢炙松明治泉麻東阡西陌要耘麥如何遊子不思

家

兒多廢學自澆花女近事人今抱牙兒女長成憂矣教如何遊子不思

家

荷潭軒前水浮鴨翠眉亭下柳藏鷓亦要丁寧春照管如何遊子不思

家

江行歌七首

胡存菴

大石如屋堆雲沙小石如甃排江涯着我輕舟石中過風吹漁唱出蘆

一點白鷺煙渚沒數痕青山天際生隔岸人家好茅屋石楠花底小橋

船頭酒壺深貯月柁尾茶竈長烹煙宗老談易夜未已舟行妙意古無

澗水泠泠漾白雲兩峯紫翠對溪門平生規此誅茅地却在牛羊黃葉

前雲峯先生示教  
易本義通釋

村

溪上樹留龍爪青山前路有虎蹄腥陳跡誰云不足顧秋風回首之漁

汀

兩舟前日離常山三舟今日下嚴灘高帆爭風問何事不似漁蓬取釣

灣

看山妙處在微雨雨後青紅抹夕陽江南山色世無比畫手安得王西

莊

江上八首

汪朝宗

廬山萬八千丈高江水日夜送波濤看山飲水自成趣何用長竿曳巨

鼇

大山小山松樹齊千聲萬聲子規啼攬衣起舞夕露下三更月落吳城

西

緒幾口闊浪如山官船客船前後灣月日天晴大家喜看我鼓棹中流

還

象牙灘上百花開參差時復見樓臺翠香芹菜綠沙出雪色鱖魚上水

來

大姑廟前花草香女兒港口江水長江水江花思無限目斷鞋山又夕

陽

江上四月雨綿綿連日北風何大顛且買活魚炊晚飯皖城對岸泊歸

船

英英白雲多在山愧我幾曾如此閒贛江東下數千里祇許拏舟十日

還

蛾眉今日為君開一色青天絕點埃浩想往時經濟事赤龍風雨過江

來

竹枝辭三首送金如山往婺州

黃後圃

送別臨塘快放舟登江渺渺消人愁蘋花滿棹應相笑也趁春風過婺

州 桃花雨晴春水生東風去船如箭行鯉魚清煮蘭溪酒蓬底醉抵江月  
明 春城鼓角舊金華莫忘長干桃李花千金重載布帆穩後月月圓人到  
家

竹枝辭八首寫征婦意

曹東白

郎行萬里戍雲中十約歸期九度空郎自官高奴自老悠悠生死不相  
同 乳鷓啼罷月濛濛門掩朱扉四五重到底此心關不住為郎飛夢過盧  
龍 湖上東風吹柳枝湖邊士女笑相隨關西去國三千里惆悵此情郎不  
知 灤水河邊首首枯鎗竿嶺上三三摸樹憂郎寒冷思郎苦不忍垂簾向火

寫為機上織回文線去絲來字字真幾度寄君還又罷漢家不是舊將  
軍

八十尊姑耳不聞倚閭終日為思君馬蹄若到山高處千萬回頭望白  
雲

深院無人書掩門燕歸時節又黃昏小環莫炙銀缸照形影相隨越斷  
魂

朱顏綠鬢受孤單鬼病侵尋命已慳若得此身能化石青山終久見夫  
還

和太史子玄四季樂辭四首

吳克敏

湖燕哺兒生羽翼柳花不動春無力丫鬟擎月下玉臺照見江南遠山  
色 檳榔葉青荔子紅蠻煙如織隔遠空畫堂沈沈白日靜鸚哥對話黃金

籠

金風鏘鏘入林杪夜折蓮房下秋沼水仙捉月醉不歸翠波流出紅船

小

錦帷繡褥沉香牀翠衾對織金鴛鴦珊瑚屏風琥珀枕良人不來冬夜

野人四時辭四首

姚廷用

野人看花花滿叢紅紅白白媚東風粉蝶黃蜂不知處一時飛過小園

東

野人牀不受暑赤日行空無處逃走向松林脫巾憤忽有好風吹鬢

毛

野人看月如銀盤玉露洗空霜葉丹東家兒女笙歌暖西家兒女砧杵

寒

野人曝背向墻隈時飲茅柴酒兩盃落葉滿階渾不掃拄杖去尋江上

梅

短歌行贈別一首

汪朝宗

歌停雲酌春酒送君發為君壽彈青萍絃素瑟何以贈雙白璧車兒膏  
馬兒秣時載陽鳴鶴鵠飛僕夫肅祖征涉還道揚飛旌慰爾民宗德  
君子心我無忒

蘆雁辭四解

詹承旨

沙塞冷雙南飛好兄弟毋相違解落平沙立風露數聲中驚漁父解月  
懸鏡蘆花霜夢海門秋夜長解衡陽山稻梁足豈忘歸極所欲網

湖彭道中雜書四首

方虛谷

一夜大雷電神喧復鬼譁橫面風折樹漲路雨頽沙小小開籬落依然  
自野花

近傳羣盜息稍免大軍興閉戶聞村學挑包遇野僧籬間大見客狂吠  
極堪憎

陰風號亂樹薄日照荒原古堠泥埋字空廬棘障門無人天欲暮誰謂不銷魂

四月農家雨新晴冷似秋炊煙籠屋潤田水破滕流老父攜孫子牽耕教小牛

豫章南閣臨眺二首

汪朝宗

章江澄夕景杞樹集涼颺疊閣連雲起凝笳帶月悲因茲懷舊感登覽獨移時

雲容麗藻井霞彩炫芝楣帝子遙臨日洪州盛槩時良遊念遐躅清賞愜幽期

感興四首

汪康範

暑往寒來如電泡年年門外開花草世事紛紛自顛倒青山眼底最多情日日向人渾不老

膠擾浮生事若麻世路崎嶇易渡車華如清淨山人家靜觀無事付一

笑出戶款款飛松花

一樹雪花白如玉辛夷為車荷為屋閒中享此亦清福一雙沙禽竹上啼對客取琴彈一曲

坐讀南華一卷經富貴百年如郵亭人生怒癭空成瓶香鑪縷煙風浩蕩白鳥點破前山青

次韻擬杜陵曲江體五首

洪杏庭

天台山深秋月明幽人見月偏多情伐木廢詩求友生我亦彈琴不成調風清露冷越江橫

快劍斲水水不絕同心何恨音書闕我高兩地中腸熱還憐瘦馬繫堂階得似青鞋踏沙月

百川赴海海不滿志士意長日月短金丹九轉成功晚台山采藥聽清猿剩欲投箸寄閒散

城中幘峯高插天竹房煮茗僧汲泉平江雲影危闌前秋風吹去一隻



鶴老我回頭三十年

洞天夜譙桃花下座中都是能文者銀燭穿山鬧車馬當年此會幾人存安得雲龍逐東野

謁雲藍山先越公墓

江紫巖

此生未展雲藍墓鬱鬱甘棠孫子情今度忽為寒食客欣欣喬木歲時榮堯天日月重光炯越國江山幾變更回首千年有歸鶴練溪新漲匝春城

別鄉人席間作

孫奕山

昔向率山別離愁尚故鄉今來嵯亭聚縱樂是殊方新草偷江綠垂楊配酒黃子仍先我去留滯奈耕桑

喜雨

方虛谷

驟漲階前可泛舟天低近屋火雲收竹戶紙窗清灑灑葛衫紗帳冷脩脩秋館梧桐羈客恨春郊楊柳少年愁移得此聲來六月人人喜色上

眉頭

崑浦早望

孫奕山

千峯倒影碧粼粼摹寫桐江最逼真每逢佳處謀書屋漸恐山靈不信人

至日建中文季真韻

胡雙湖

盡日勞勞煙雨裏此行誰識是歟非翩然芒屨相隨處正見梅花欲放時太極便堪窺易蘊黃鍾初可驗葭飛天心子半無移改細玩堯夫至日詩

答留題東山者

趙東山

詩翁扶醉上危顛得意留題拂短垣嗔喜未忘春夢後是非猶記劫灰前弓刀幾處排堅陣風月何人共小軒失脚黃塵應有恨元龍終不羨求田

見梅雜興

陸曉山

人間誰是識梅真，實求花後世心何似。只如三代日分甘，投老萬山深寄來。陸凱渾多事，說到林逋亦費吟。耿耿知音惟月，在無言相看。古猶今，妨虛聯。曰太初平生若吟好，高梅興三十首。今選此一又。

歸至山中戲集古句

程北山

終日思歸此日歸，野人休誦北山移。且看欲盡花經眼，可忍醒來雨打稀。

弔鶴集詩句

汪紫巖

有鶴在林白華，翩翩其鳴。斯干風雨所漂搖，鳴鶴求其友生。代木不狩不獵，茂檀麾之以肱。無羊宛其死矣，山有樞寧莫之懲。汚水英英白雲。

白華毋金玉尔音，白駒如何贖兮。黃鳥實勞我心。白華

集杜詩二十句壽叔文潘先生其子章甫時為起居注故詩意

詹承旨

冰壺玉鑑懸清秋，神仙中人不易得。徃時文彩動人主，主怪一日聲輝

赫憶昨逍遙，供奉班風雨不動安如山。詞源倒流三峽水，時聞雜佩聲。珊珊先生早賦歸，去來鯨魚拔浪滄溟開。致身福地何蕭爽，石田茅屋荒蒼苔。繡衣春當霄漢立，雲近蓬萊常五色。池上于今有鳳毛，秋水為神玉為骨。百花潭水即滄浪，星宮之君醉瓊漿。西望瑤池降玉母，南極老人應壽昌。

題醉歸淵明圖集陶句

呂德昭

窮巷寡塵鞅，閒居離世紛。投策命晨裝，壺漿勞近隣。主人解予意，一遇盡殷勤。有酒斟酌之，淹留忘宵晨。情知新知勸，何必骨肉親。數斟已復醉，君當恕醉人。

集陶句題吳季文經鋤軒

呂德昭

結廬在人境，繞屋樹扶疎。園林無俗情，奔浪林野娛。開荒南野際，新疇復應畬。游好在六經，歷覽千載書。雖有荷鋤倦，濁醪解饑餉。奇文足欣賞，慨然念黃虞。古人惜寸陰，君今復何如。

題四禽圖集詩經句

韓樵野

楊柳依依采蘋燕燕于飛燕燕于誰之屋正月曰止曰時綿綿海外有

截長發曷云能來雉雉曰歸曰歸采薇秋以為期氓春日載陽七月實

然來思白駒洵有情兮苑丘我儀圖之丞民右垂楊海燕

猗彼女桑七月其葉有沃隰桑宛彼鳴鳩小宛無啄我粟黃鳥食我桑

黽泮水曰既醉止初筵慎尔優游白駒戒其傷汝大畝于嗟鳩兮飛樂

子之無知隰有以陰以雨谷風尚求其雌小弁右桑樹鳴鳩

交交黃鳥黃鳥在彼空谷白駒熠燿其羽東山無集于穀黃鳥南有喬

木漢廣亦集爰止卷阿既曰得止南山嚶其鳴矣伐木我聞其聲斯人

懷我好音泮水印須我友韜有實獲我心綠衣右喬木黃鳥

維常之華采薇鄂不韡韡常棣有懷二人小宛兄及弟矣斯干題彼脊

令小宛載飛載止沔彼我之懷矣雄雉此令兄弟角弓右常棣脊令

甲集

新安文獻志卷六十

甲集

詩餘

點絳脣二首無題

汪龍溪

新月娟娟夜寒江靜山街斗起來搔首梅影橫窗瘦好箇霜天閒却

傳盃手君知否亂鴉啼後歸興灑如酒

高柳蟬嘶採菱歌斷秋風起晚雲水髻湖上山橫翠簾捲西樓過雨

涼生袂天如水畫樓十二有箇人同倚

小重山

汪龍溪

月下潮生紅蓼汀殘霞都斂盡四山青柳梢風急隨流螢隨波去點點

亂寒星別語記丁寧如今能聞隔幾長亭夜來秋氣入銀屏梧桐雨

還恨不同聽

水調歌頭鳴夷子

朱文公

富貴有餘樂貧賤不堪憂誰知天路幽險倚伏互相酬請看東門黃犬

更聽華亭清唳千古恨難收何似鴟夷子散髮弄扁舟  
鴟夷子成霸業有餘謀收身千乘卿相歸把釣魚釣春晝五湖煙浪秋夜一天雲月  
此外儘悠悠永棄人間事吾道付滄洲

醉江月和梅辭韻

朱文公

臨風一笑問羣芳誰是真香純白獨立無朋算只有姑射山頭仙客  
艷誰憐貞心自保邈與塵緣隔天然殊勝不關風露冰雪應笑俗  
粗桃無言翻引得狂蜂輕蝶爭似黃昏閒弄影清淺一溪霜月畫  
殘瑤臺夢斷直下成休歇綠陰青子莫教容易被折

滿庭芳

懷舊

吳文肅公

宿雨滋蘭輕風貼柳新來隨處和融幽蘭曲徑花氣巧相通燕子纔飛  
又語帶芹泥時點芳叢微中酒日長睡起心事在眉峯年年春好處  
聯鑣蕩漿拾翠按紅任金貂醉脫不放空誰信風流一別當時事已  
逐飛鴻雲山晚闌干罷倚煙寺起疎鐘

浣溪沙

春日別墅

吳文肅公

暖日和風並馬蹄畦秧隴麥綠新齊人家桑柘午陰迷  
山色解隨人意遠殘陽遠傍遠山低晚風歸路杜鵑啼

又題餘干傳舍

吳文肅公

畫檐朱闌繞碧山平湖倚徙水雲寬人家楊柳帶汀灣  
目力已隨飛鳥盡機心還共白鷗閒蕭蕭微雨晚來寒

又登鎮遠樓

吳文肅公

寒日孤城特地紅瘦藤扶我上西風一川平遠畫圖中  
江海一身真客燕雲天萬里看歸鴻吳山應在白雲東

點絳脣

釣臺

方堂溪

七里灘邊江光漠漠山如戟漁舟一葉徑入寒煙碧  
笑我塵勞羞對雙臺石身如織年年行役魚鳥渾相識

滿江紅

同前

方堂溪

跳出紅塵都不顧是非榮辱垂釣處月明風細水清山綠七里灘頭帆  
落盡長山瀧口潮回速問有誰特地上鉤來劉文叔 貂蟬貴無人續  
金帶重難拘束這白麻黃紙豈曾經目昨夜客星侵帝座且容伸脚加  
君腹問高風今古有誰同先生獨

乳燕飛寄劉閔風

汪柳塘

曉趁西湖約到湖頭煙消日出波生雨脚自掣白魚攜碧酒要與詩人  
共酌把樓上朱簾搭却坐對荷花三萬朵念西隣未嫁肌如削待折與  
不堪着 別來又見秋蕭索恨無由將予風月伴君雲鶴想見登山臨水  
處醉把茱萸釀磚唱白雪陽春新作憶自東籬人去後算人間黃菊空  
零落嘆作者多命薄

滿江紅謝孟使君

汪柳塘

荆楚歲時念自古登臨風俗休更道桓家車騎謝家絲竹不覺吹將頭  
上帽可來共采籬邊菊嘆如今重九有何人相追逐 窮處士枯如木

賢太守温如玉遺厨人餽酒厚人餽粟欲寄唐虞無限意離騷都是相  
思曲奈兩三寒蝶尚牙飛秋光促

沁園春自題方壺

汪柳塘

春至傷春秋至悲秋誰在華胥嘆謫仙才氣飛揚跋扈淵明何事慷慨  
歎歎自我少年如今晚景行半人間真有餘都休問且一觴一詠吾愛  
吾廬 南臯境界何如舍明月清風誰與居望蓬山路杳萬株翠檜方  
壺門掩四面紅蕖中有佳人綽如姑射一炷清香滿太虛塵寰外任鳴  
鑿報客飛鶴傳書程端明序曰叔憂淵遠未易處也

瑣窗寒有感

程傳之

雨洗紅塵雲迷翠麓小車難去凄凉感慨未有今年春暮想曲江水邊  
麗人影沉香歇誰為主但兔葵蕪麥風前搖蕩徑花成土 空被多情  
苦慶會難逢少年幾許紛紛沸鼎負了青陽凡五待何時重享太平典  
衣賞酒相尔汝算蘭亭有此歡娛又却悲今古



也休羨盡天謫憶故人霜下亂灘橫  
曾沒更明年重約再來時乘槎客  
好騎鯨游汗漫古來蟾影何

水調歌頭登甘露寺多景樓望淮有感

程端明

天地本無際南北更誰分樓前多景中原一恨杳難論  
忽有孤山兩點點破水晶盆爲借鞭霆力驅去附崑崙  
望淮陰兵冶處巖然存看來天意止欠士稚與劉琨  
三村富時頑石喚醒隆中一老細與酌芳尊  
孟夏正須雨一洗北塵昏

錦堂春留春

程端明

最是元來苦無風雨只恁匆匆歸去看遊絲都不恨恨  
秦淮新漲向人東注醉裏仙人惜春曾賦却不解留春  
且住問何人留得住怕小山更有碧蕪春句

浣溪沙趙閣學餉蠅蜂酒香螺

方秋崖

半殼含潮帶麝香雙螯嚼雪近簷黃  
蘆花洲渚夜來霜短棹秋江清

到底長頭春甕醉爲鄉風流不在與詩嘗

齊天樂和楚客賦蘆

方秋崖

孤蓬夜傍低叢宿蕭蕭雨聲悲切一岸霜痕半江煙色  
愁到沙頭枯葉淡雲沒滅黯西風吹老蒲汀新雪天  
豈無情離蟄點點送歸客歸去來兮怎得盡露  
翹鷗倚乍寒時節秋晚山川夕陽浦淑氣得別腸  
子結清翻浪疊那得似西來一筇橫絕搔首江南  
鴈銜千里月

賀新郎戊申自壽

方秋崖

笑君知否笑當年山陰道士行歌樵叟五十到頭公  
老矣只可鷺朋鷗友便富貴何如盃酒好去歸來  
蒼崖底想月明不有樵筇手誰共酌剪霜韭  
乾坤許大山河舊幾多人劍倚西風筆驚南斗  
俛仰之間成陳跡亡是子虛烏有渺煙草不堪  
回首隔塢美亭開野徑儘一筇兩屐山前後  
春且爲催花柳

風流子和楚客維揚燈夕

方秋崖

小樓深不捲花正開燈火競元宵  
舊日何處飛金巨羅三生杜牧醉  
嬌娃香塵路雲鬆鸞鬢月觀馬蹄  
騎彷彿神仙劉安雞犬分明富  
貴子晉笙簫人生行樂爾君不見  
迷樓春綠迢迢二十四經行處舊  
月今橋但索笑梅花酒消新雪縱  
情詩草筆捲春潮俯仰人間陳跡  
莫惜金貂

一剪梅

方秋崖

誰剪輕瓊做物華春遠天涯水遠  
天涯園林曉樹恁橫斜道是梅花不  
是梅花宿鶯聯拳倚斷槎昨夜寒  
些今夜寒些孤舟葉笠釣煙沙待  
不思家怎不思家

鷓鴣仙 辛丑生日小盡月

方秋崖

今朝廿九明朝初一怎欠秋崖箇  
生日客中情緒老天知道月  
三十春盤縷翠春缸搖碧便泥  
做梅花消息雪鬢試問  
夕不知何夕

沁園春 賦子規

方秋崖

儘爲春愁儘勸春歸自恁恨深  
况雨急黃昏寒欺客路月明夜半  
人夢家林店舍無煙楚鄉寒食一  
片花飛那可禁空凝佇黯紅蕖翠  
老江樹陰陰汀洲社若誰尋想朝  
鶴怨兮猿夜吟其連天芳草凄迷  
離恨拂簾香絮撩亂深心汝亦知  
乎吾今倦矣甕有餘春可共斟歸  
來也問淵明而後誰是知音

摸魚兒 題甘露寺多景樓

孫楚望

八窗空展寬秋影長江流入尊俎  
天圍紺碧低垂岫斜日落鴻堪數  
沉別浦更目斷煙蕪蒼莽連平楚  
晨鐘暮鼓算觸景多愁關人底事  
倚檻聽鳴櫓英雄恨留得名存北  
府寄奴今寄何所西風依舊潮來  
往山海頡頏吞吐霜月冷直隨人  
燕我瑤芝圃掀髯起舞看鯨伏蒼  
龍吟翠葆天籟奏韶舞

滿江紅 春雨

汪紫巖



檢點春光陰雨過三分之一從頭數元宵燈夕都無晴日不礙郊原肥  
草綠但漫丘壑沉雲黑那東君感煞沒網維春無力 燕忙甚泥渾濕  
蜂愁甚脾無蜜更兩句又是梨花寒食羔杏殷桃吾不較豈堪漫爛連  
晴麥望前村白鷺觀霞紅探晴色

踏莎行 清明前兩日聞燕

汪紫巖

手去年來來去草怪底不來庭院春光老知過誰家翻別調家家望斷  
飛蹤音 千里蕭湘煙渺渺不記雕梁舊日恩多少近清明簷外叫  
故巢猶在朱簷曉

西江月 題烏江項羽廟

汪紫巖

白蛇宵斷逐鹿火交劫醫魚羣起赤幟雄張軍縞素龍種天生大器堪  
鄙猴冠自為狼籍楚帳多塵壘臆寒垓下一鞭東竄休矣 亭長空艤  
扁舟范增羣輩盡塗脂流髓望斷秦關無限恨羞面江東山水購首千  
金若為名利黯黯斜陽裏石壚灰冷美人魂落煙翠

南鄉子 初入都門漫賦

汪杏山

西北有神州曾倚斜陽江上樓目斷淮南山一抹何由載淚東風灑汗  
流 何事却狂遊直駕驢車渡白溝自古幽燕為絕塞休愁未是窮荒  
天盡頭

摸魚兒 過東平有感

汪杏山

憶舊時東方郡東原儘是佳處梁都破了壽南渡幾遍狐號鱗舞君試  
覩環一林荒城草色今如許芳華舊地曾一上飛雲歌臺酒館落日亂  
鳴度 吟情苦滴盡英雄老淚淒酸非是兒女西湖似我西湖否只怕  
不如西子秋欲暮要一看秋波又自催歸去休休浪語待過江說與高  
車駟馬今是朝天路

摸魚兒

湖南憲使承都盧公為予題

程文憲公

問疎齋湘中朱鳳何如江上鸚鵡波寒木落人千里客裏與誰同住茅  
屋趣吾自愛吾亭更愛參天樹芳君為賦渺雪鴈南飛雲濤東下歲晏

欲何處 疎齋老意氣經文緯武平生握手相許江南江北尋芳路共  
看碧雲飛去黃鵠舉記我渡秦淮君正臨清句歌聲緩與怕徑竹能醒  
庭花起舞驚散夜來雨

沁園春 五峯大翁寄示所和續江表議沁園春辭一以退為高  
以進為思二者皆是也區區愧未之能焉尚歌而和  
情親

程文憲公

十載京華騎馬聽雞自憐鬪球看春風葵麥敷舒如此故園桃李憔悴  
知數要乞閒身聊追故步雪解煙衰一釣夫君恩重却許令便養欲去  
躊躇 竹西準擬寧居詠不到娉娉孌孌餘又橋邊巷口燕尋舊壘天  
東海角月上新衢尸素有慚澄清無補豈不懷歸畏簡書堪時用得卿  
如卿法吾自吾廬

滿江紅 吳又玄得其伯父子雲大博易學  
胡雲峯

一畫先天誰知得已涵玄九這易玄機括子雲傳授杜宇一聲春欲曉  
牡丹幾朵晴當書問堯夫數字本何來俱參透 心曾裏羅星宿心畫

上占文繇看肆中簾櫺明前車轉易字分明書日月口天真是談天口  
豈太玄而後遂無玄如今又

踏莎行 雪晴後步  
汪以質

踏雪橋邊訪梅溪曲春風初破梢頭玉村村茅屋晚炊煙更尋村酒穿  
茅屋 兔月初眉瑤峯眩目磬筇振屐鳴空谷夜深不謂故人來聲聲  
誤道風敲竹

醉江月 吳山懷古  
汪以質

登臨遐眺嘆當年一夜朔風狼籍石塔鎮南人共怒怒氣上轟霹靂廢  
苑荒涼粉墻頽圯萬事空陳跡闕庭何在鐘聲敲斷岑寂 聞道十里  
西湖荷花香裏歌舞成悲戚湖上有山山有恨應恨舊京乖隔秦老和  
戎賈生罔上後世見之方策興亡回首暮煙衰草凝碧

江神子 水澗泊舟巖岸  
汪以質

停橈巖瀨畫橋邊水消消鷺翩翩午熱追涼穿竹徑強留連無奈日斜

欲曉吹短笛，嚙新蟬。家山只在水窮源，隔雲天限，紫牽願得甘霖，三日躡歸船。惟有紫陽溪上月，隨着我，伴愁眠。

長相思

秋夜

汪以質

海蟾升砌，蛩鳴別院，俄聞裂帛聲。憑軒與細聽，竹風生桂香。清問道，小山來未曾，還應尋舊盟。

蝶戀花

送春

汪以質

蝶懶鶯慵，芳草歇，綠暗紅稀。柳絮飄晴雪，有意送春還，惜別杜鵑爭奈。催歸切，繡閣無人，簾半揭，暗憶邊城十載音書絕。惟有東風無異說，年年來赴梅花月。

蘇武慢

遣懷

范緝齋

萬里征途，一鞭行色，覽盡江山佳致。梁苑風光，灞橋雪景，總是壯遊之地。旅食京華，觀光上國，浩有凌雲豪氣。正翱翔附鳳，攀龍誰料，中原盡起。猶且自馬驟西秦，帆飛東海，志逐五湖歸計。江上觀潮，天邊望日。

驚見吳山蒼翠，雲飛已返，鳥倦知還。斷送平生愁緒，喜歸來，誰是相知。風月滿天無際，汪容峯與人書云：耕隱翁寫懷蘇武慢最佳，看其雄豪之氣，勃勃不可遏，如怒蛟出水，瀟灑汗汗，自是肺腑中流出，故喜道之。

浣溪沙

官友夜至

唐伯和

西塞山明碧似苔，圻湖浪捲雪成堆。茅山靜日共徘徊，獨上戍樓窮望眼，白煙收處片帆開。月明知是故人來。

風入松

賀洪克毅中鄉試

余存脩

尊翁善政著甘棠，令子又穿楊。萬里青雲聊試步，斬頭角，蚤已軒昂。家學淵源，有自明時麟鳳，非常蟾宮折得桂花香。一舉姓名揚，捷音預報雙親喜。功名願此日，初償聞道杏園春。好行看取狀元郎。

醉蓬萊

自述

蘇景元

嘆儒生何事，酷愛吟詩，有甚滋味。殘燈破硯，兀兀窮年，歲掃地焚香擁衾閉戶。總是平生志，擊壤之謠，南風之詠，恬然心醉。想着古來幾多。

豪書欒范之家後為皂隸花落花開自有東君記霸橋雪中西堂夢裏  
千載誇風致筆補乾坤囊封星斗倦來且睡

木蘭花

族弟嘉定州學正炫改任霸州歌此為別炫自號畜艾云

蘇景元

魯泮諸生眉山舊派清時已授儒官再傳家從笑一遭寒治身却有三  
年艾 孟瀉春濃帆乘風快牽情不作離人能吾

皇恩致棟梁材願君長守蘇湖誠

蘇景元

新安文獻志卷六十

聖